

趙州志

22.6213  
4932.0732  
13

Inches 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26  
Centimetres  
Kodak Color Control Patches

0 10 20 30 40 50 60 70 80 90 100 110 120 130 140 150 160

直隸趙州志卷七

人物志

學者尙論古人既誦詩讀書矣又必考世系徵事實  
凡以砥志尙友也趙之廉藺功勳風節炳燦千古荀  
卿毛公著書傳經至今頌說不衰自是之後或志匡  
王國而著其亮節或躬行門內而敦其姘修或探經  
義之淵源或擅文辭之博洽何彬彬也他如曹遵六  
世同居仲良七百石賑饑雖在齊民咸孝友任卹慕  
義輕財亦可託於世而列於不朽之林矣今考訂舊  
志續以近代諸賢用備勸勉非敢云月旦也志人物



人物表

科目表

名臣

仕蹟 武職附 封贈附 耆壽附

武功

忠烈

孝義

文苑

方技

列女

人物表

周

荀卿 有傳見文苑

藺相如 有傳見名臣

趙奢 有傳見名臣

廉頗 有傳見名臣

趙勝 有傳見名臣

李牧 有傳見名臣

漢

李左車 有傳見名臣

毛萇 有傳見文苑

耿艾 宋子人初仕莽為濟平尹後降更始為濟南太守

馮唐 有傳見名臣

吾邨壽王 事武帝為光祿大夫侍中

耿純 有傳見名臣

耿 伋 純族人為蒲吾長

耿 訢 有傳見忠烈

耿 宿 純從昆弟趙郡太守封遂鄉侯

植 宿弟為輔威將軍封武邑侯

耿 阜 純子嗣封東光侯後徙封莒鄉侯承耿

盱 阜子建初二年肅宗思純功紹封為高亭侯

平十四年除

耿 騰 盱弟盱卒無嗣肅宗復封騰為侯

忠 騰子桓帝時以世勳紹封為侯

耿 緒 忠子獻帝時以世勳紹封為侯

恢 左車十四世孫桓靈間高尚不仕號有道大夫

三國魏

李 定 恢子漁陽太守

晉

李 平 定長子樂平太守 李 機 定次子國子博士

李 隱 定三子尚書郎 李 保 定四子尚書郎

李 楷 機子司農丞治書御史居平棘南號平棘李氏

北魏

李 輯 楷長子高密郡守子二慎敦居柏仁 李 晃 楷次子鎮南府長史子義南徙故壘

子孫甚微

曰南祖義五世孫義深趙郡高邑人見北史其後不錄

李 勁 楷四子書侍御史 李 叡 楷五子高平太守

李 盛 勁長子中書郎 李 隆 勁三子阜城令兄弟居巷西曰西祖

李勗 勗長子頓邯太守  
大中正居巷東曰

東祖 元和郡縣  
志謂之三卷李

李續 盛子太子祭酒

李頤 勗子趙郡太守

李休 續次子散騎常侍

李颯 頤長子贈宣威將  
軍蘭陵太守

李會 頤三子趙郡太守  
有傳見名宦

李詵 休子中書侍郎京  
兆太守

李遐 中書郎中封即邯  
子見高允徵士頌

李謀 隆子幕縣令

李誕 續長子假趙郡太  
守

李景 唐書世系作躬謀  
子始平太守

李系 頤次子慕容垂散  
騎侍郎東武城令

李龜 入魏為平棘令贈  
趙郡太守平棘男  
誕子州主簿

呂季才 有傳見仕蹟

李伯應 唐書世系作膺景  
子東郡太守幽州

刺史

李元稱 謀孫魏廷尉後七  
世有栖筠吉甫德

裕世為趙人見唐  
書世系按賈鍊贊

皇李公德裕德政  
碑公趙郡人贊皇  
其本邑也其後不  
錄

李善見 詵從祖弟一作從  
子趙郡太守

李均 勗次子趙郡太守

李修基 系次子陳留太守

李孝伯 有傳見名臣

李熙 順族弟中書博士  
封元氏子中壘將

李靈 有傳見名臣

李順 有傳見仕蹟

李暉 有傳見忠烈

李祥 有傳見名臣

人物表

軍贈鎮東將軍豫州刺史諡曰壯

李鳳林

龜長子

李秀林

正 龜次子定州大中

李顯進

善見子州主簿濮陽太守

李恃顯

善見子左中郎將贈安州刺史

李恢

靈長子襲高邑子進為侯贈定州刺史

李綜

靈次子行河間郡

李璨

有傳見仕蹟

李敷

順長子秘書下大夫封平棘子襲高平公南部尚書

李式

順次子西兗州刺史濮陽侯

李奕

順三子都官尚書封安平侯

李罔

順四子度支尚書

李探幽

修基子高平太守

李安世

有傳見名臣

李安民

孝伯長子襲壽光侯司徒司馬贈鄆

州刺史

李安上

孝伯次子鉅鹿太守

李豹子

孝伯三子中山太守見唐書

李季玉

熙子襲元氏子贈青州刺史諡曰貞

李裔

秀林子出後伯父鳳林固安縣伯

李景義

裔弟殷州大中正

李伯穆

景義弟合州刺史

李肅

秀林族子黃門郎夏州刺史

李暉

肅從弟殷州大中正贈齊州刺史

李羅

暉弟青州刺史

李仲旋

暉從弟宏農太守兗州刺史

李映

顯進長子相州治中贈殷州刺史

李育

顯進次子封趙郡公贈都官尚書

李道璩

侍顯長子范陽太守

李道瓘

侍顯次子中常侍

李暉賓

暉子太學博士

李悅祖

恢長子襲高邑侯降為伯

李顯甫

有傳見武功

李煥

有傳見武功

李華

恢三子封樂城子定州驃騎長史輔國將軍贈幽州刺史

李憑

恢四子定州大中正趙郡太守

李遵

有傳見忠烈

李元茂

璨長子襲始豐侯贈齊州刺史

李宣茂

璨次子定州大中正幽州刺史

李叔允

璨三子南趙郡太守有政績

李仲允

璨四子尚書左丞贈光州刺史

李憲

有傳見仕蹟

李暉

有傳見仕蹟

李孝怡

有傳見仕蹟

李祐

罔長子尚書祠部郎博陵太守

李太

罔次子太尉行軍員外郎

李洪鸞

探幽兄子河間太守

李瑒

有傳見名臣

李謚

有傳見文苑

李郁

有傳見文苑

李叔讓

豹子子湖州長史

李遺元

季王子襲元氏子殷州征北將軍

李蘭和

熙族孫平陽渤海二郡太守

李蘭集

蘭和弟平昌太守

李思道

孝怡子封武城縣公龍驤將軍贈大將軍開府殷州刺史

李瑾

有傳見仕蹟

李無爲

元忠族叔景遺兄南鉅鹿太守

李普濟

有傳見仕蹟

李慎

曠子東平太守

李希曾

仲旋子侍御史

李秀之

元茂長子襲始豐侯都官尚書郎

李子雲

元茂次子外兵參軍本州治中鉅鹿太守

李子羽

元茂三子征南法曹參軍

李子岳

元茂四子員外郎大司馬祭酒

李志

宣茂次子州主簿

李弼

叔允長子相州錄事參軍魏郡太守二子士瑜士璿趙郡功曹

李翼 叔允次子齊帥員外郎尚書郎贈平北將軍定州刺史

李子仁 仲允子尚書主客郎 李元忠 有傳見名臣

李構 華長子襲欒城子通直散騎常侍贈殷州刺史 李敬義 華次子平北將軍贈殷州刺史

李叔向 華三子徐州鎧曹參軍 耿宏 入方技

李季脩 華五子博陵常山二郡太守 李繪 有傳見名臣

李孝祖 敷孫平涼太守 李長劍 憲長子興和中梁州驃騎府長史

李長鈞 憲次子興和中梁州驃騎府長史 李希遠 憲三子州主簿見墓誌

李希宗 憲四子有傳見仕 李希仁 憲五子國子祭酒黃門侍郎

李騫 憲六子有傳見文苑 李希禮 憲七子通直散騎常侍

李籍之 有傳見文苑 李義盛 瑒子司徒倉曹參軍

李孝緒 叔讓子周芮城令 李恃甯 遺元次子中尹

李搔 元忠子齊河內太守尚書儀曹郎 李湛 渾子襲涇陽縣男通直散騎常侍

李德林 一作道林子雲長子司徒中兵參軍 李道宗 子雲次子直閣將軍駙馬都尉

李公緒 有傳見文苑 李槩 有傳見文苑

李延世 籍之四子趙州太守 李悝彥 洪鸞孫趙州別駕

北齊

李密 有傳見仕蹟 李景遺 有傳見武功

李愍 有傳見武功 李子旦 裔長子襲固安伯入齊降爵



李道謙

密長子侍御史

李道貞

密次子南青州司馬贈北徐州刺史

李愔

育子襲趙郡公入齊為太子舍人

李伽林

景遺子襲昌平郡公

李渾

有傳見仕蹟

李緯

有傳見仕蹟

李子甯

遺元長子襲元氏子入齊降開府默曹參軍

李景威

瑾子襲高邑伯入齊降爵西汝陰太守

李徹

籍之長子魏司空主簿齊尚書左丞

李山壽

道宗子齊兵部郎中唐書世系表

隋

李子雄

有傳見武功

李公挺

子雄子襲高都郡公

李士謙

有傳見孝義

李純

徹子介州刺史

李諤

有傳見仕蹟

李孝端

敬義孫獲嘉丞

李孝貞

有傳見仕蹟

李德饒

純長子有傳見孝義

李德昭

純次子離石郡司書法佐

李大方

諤長子襲南和伯內史舍人

李大體

諤次子尚書郎

李大鈞

諤三子尚書郎

唐

李思行

有傳見武功

李孟嘗

右威衛大將軍漢東郡公

李厚德

諤孫殷州刺史

李育德

有傳見忠烈

李守素

有傳見文苑

李元植

有傳見文苑

李夔

有傳見名臣

李啖

有傳見文苑

李芄

有傳見名臣

李遜

有傳見名臣

李建

有傳見名臣

李翱

有傳見名臣

人物表

李觀 有傳見武功  
李若初 有傳見仕蹟

李德修 有傳見仕蹟  
李固言 有傳見仕蹟

李珏 有傳見仕蹟  
李端 有傳見文苑

李虞仲 有傳見文苑  
李嘉祐 有傳見文苑

李陽冰 有傳見文苑  
牛元翼 有傳見武功

劉言史 有傳見文苑

五代

從諗 入方技

宋

趙瑜 開寶中易州通判  
馬韶 入方技

張惠明 入方技  
張旦 有傳見忠烈

王超 有傳見仕蹟  
宋皋 尚書度支員外郎  
直集賢院

宋綬 有傳見名臣  
宋敏求 有傳見名臣

宋昌言 有傳見名臣  
李京 有傳見仕蹟

李諶 京子以父廕為郊社齋郎  
孫冲 有傳見仕蹟

王德用 有傳見名臣  
王咸融 德用子眉州防禦使

郭諗 有傳見名臣  
孫永 有傳見名臣

輔廣 有傳見文苑  
曹遵 有傳見孝義

金

劉仲尹 潞州節度副使都水監丞  
賈益謙 有傳見名臣

耿昉

宋子人貞祐中平定武宣指揮使

賈賢卿

益謙長子正大中以門資入仕

賈頤卿

益謙次子同上

賈翔卿

益謙三子同上

元

楊珪

有傳見仕蹟

呼延彥玉

至元中以省掾為高邑令

張謙

元貞元年廣東道肅政廉訪使

屈敏中

有傳見仕蹟

趙良弼

有傳見孝義

劉叔達

至正末舉茂才知高邑縣

明

劉子中

叔達子洪武初舉賢良歷鳳陽知府

孫彥中

洪武初舉人才歷大理評事

趙進

洪武四年舉人才歷光祿寺監事

陳玘

洪武中舉人才授宜興主簿

陳聚

以征討有功歷陞于戶後靈壁縣久

宋文智

征大甯有功陞隆慶衛指揮僉事

戰陣亡陞指揮僉事

以上所錄俱係舊志原本至

國朝人物散見於各類傳中茲不俱載

歷仕 凡已見科目中及有傳者不載

明

周可賢 河南鄭州訓導 劉憲 大名府教授

張四教 山西指揮使都司 斷事 王寵 太僕寺廳主簿

王宰 南陽府汝州州吏 王雲 工部大使

焦紹 鴻臚寺序班

國朝

尹可忠 浮山縣典史 王允濟 署冀州滄州訓導 平山縣教諭

王大鏞 任杭州府經歷 史銘鼎 山東膠州州同

魏明 崇安福山典史後 魏會 福建上杭縣縣丞 陞知縣

歷仕

七

魏 樾

奉天開原縣知縣

王官雲

武城甲馬營巡檢

王官文

署河南唐縣知縣

卜經邦

保定府清苑縣訓導

科目表 進士 舉人 恩貢 拔貢 副貢 歲貢  
武進士 武舉人

三代鄉舉里選之制尙已厥後漢之銓選在郡國則有孝廉賢良在學校則有明經博士其法猶爲近古唐宋而下薦辟閒行而科目特重進士科始於隋舉人始於金沿於明我

朝仿其制而行之而良輔名臣由斯選者駸駸乎盛矣今之舉人卽唐鄉貢今之歲貢卽唐明經此外尙有恩拔副歲優等貢無非立賢無方恐在下有遺才也茲謹考其年分次其先後以及武科備錄於冊凡懷才抱德之儒與翹關扛鼎之勇揆文奮武期無負

國家之盛遇而已

進士

唐

李嘉祐

元宗天寶七載第  
秘書正字

李

端

代宗大曆五年第  
杭州司馬

李遜

德宗年

李

建

德宗年

李固言

德宗年右僕射

李

翱

憲宗貞元十四年  
第

李珣

憲宗年

李虞仲

穆宗年太常博士

李訥

兵部尚書見唐書

李方元

處州刺史

宋

宋 綬

大中祥符八年乙卯  
兵部尚書

李

京

寶元年

王 庶

崇甯五年丙戌鄜  
州經畧

張

旦

太宗時經學中第  
兵部員外郎

宋敏求

綬子龍圖閣學士

孫

冲

翰林學士

郭 諮

仁宗時第

孫

永

本州人徙居長社

金

劉中尹

正隆二年先蓋州  
人後遷沃州

賈益謙

大定十二年壬辰  
中書左丞

張穀英

大安元年

明

王 詔

天順入年甲申彭  
教榜

蘭

玉

成化入年壬辰吳  
寬榜常熟知縣

王 珩

成化十一年乙未  
謝遷榜太僕寺卿

李

政

成化乙未四川參  
政

劉 濟

成化十四年戊戌  
曾彥榜蒲州知府

宋

鳳

宏治三年庚戌錢  
福榜工部郎中

安奎 宏治九年丙辰朱希周榜四川參政  
宋隆 宏治十二年己未倫文敘榜陝西延安府知府

李時元 正德六年辛未楊慎榜參政  
劉世盛 正德十二年丁丑舒芬榜陞修撰

張居仁 萬曆十七年乙丑焦竑榜膠州知州  
張體嵩 萬曆二十年壬辰翁正春榜

賈石 萬曆二十九年辛丑張以誠榜  
王猷 天啟二年壬戌文震孟榜都給事中

國朝

楊宗昌 順治六年己丑劉子壯榜來安知縣  
張暎 順治九年壬辰鄒忠倚榜兗州通判

翟廉 順治十六年己亥徐元文榜  
王懿 康熙三年甲辰嚴我斯榜新田知縣

張爾介 康熙九年庚戌蔡政傳榜安定知縣  
王鹿瑞 康熙三十九年庚長汪繹榜江西新建知縣

孟寅生 康熙庚辰山東昌邑知縣  
劉成德 雍正二年甲辰補行正科陳應華榜河南歸德府鹿邑縣知縣

劉穀萬 嘉慶七年壬戌吳廷琛榜開封同知  
李連夢 嘉慶十九年甲戌龍汝言榜

程升 嘉慶二十五年庚辰陳繼昌榜  
李及辰 道光十八年戊戌鈕福保榜廣東韶州府乳源知縣

張駒賢 同治十三年甲戌陸潤庠榜山西河津知縣現署太平知縣

舉人

明

曹永 洪武三年甲戌科戶部主事  
劉昇 永樂十二年甲午科鹽運司副使

侯福 永樂十五年丁酉 薛幹 永樂十五年丁酉

章璘 宣德四年己酉 薛規 景泰元年庚午

王韶 景泰四年癸酉 郭昇 景泰四年癸酉

宋信 景泰七年丙子 劉濟 天順六年壬午

蘭玉 成化元年乙酉 王祚 成化四年戊子

賈銘 成化七年辛卯 王珩 成化七年辛卯

李旼 成化十年甲午 宋鳳 成化十六年庚子

王祐 成化二十二年丙 宋隆 宏治五年壬子

安奎 宏治八年乙卯 周洪 宏治八年乙卯

韓崧 宏治十四年辛酉 王棟 正德二年丁卯

李時元 正德二年丁卯 亢鑑 正德五年庚午

劉世盛 正德八年癸酉 李奎 正德八年癸酉

趙棟 正德十一年丙子 胡連 嘉靖四年乙酉

王天佑 嘉靖 推官 王壽 嘉靖七年戊子

李時陽 嘉靖十三年甲子 王簡 嘉靖二十五年丙

周世臣 嘉靖二十八年己 王源清 嘉靖己酉

宋含宏 嘉靖三十一年 王字 嘉靖三十四年乙

張時泰 嘉靖四十三年甲 張居敬 隆慶元年丁卯

嘉靖 子科 河南嵩縣知 知縣

嘉靖 子科 嘉靖 子科 陝西延川縣

嘉靖 子科 嘉靖 子科 嘉靖 子科

嘉靖 子科 嘉靖 子科 嘉靖 子科



秦吉

萬曆七年己卯科河南睢州知州

焦希光

萬曆七年己卯科河南新安知縣

張居仁

萬曆十三年乙酉科見進士

屈其興

萬曆十六年戊子科

周士元

萬曆戊子科濮州知州

王洪度

萬曆戊子科

張體嵩

萬曆十九年辛卯科見進士

周鼎

萬曆二十二年甲午科自在州知州

鄭士坤

萬曆二十二年甲午科

趙萬里

萬曆三十四年丙午科

李應元

萬曆三十四年丙午科濟南府同知

張腆

萬曆四十三年乙卯科樂平知縣

李邦柱

萬曆四十六年戊午科唐縣知縣

王猷

天啟元年辛酉科見進士

劉三才

天啟元年辛酉科

張元初

天啟七年丁卯科漢中府知府

李讓

崇禎三年庚午科殉難贈宛平知縣

屈乘

崇禎六年癸酉科

梁奇才

崇禎十五年壬午科甘肅禮縣知縣

張曝

崇禎壬午科山西靈石知縣

國朝

楊宗昌

順治五年戊子科見進士

張暎

順治八年辛卯科見進士

王懿

順治十一年甲午科見進士

王汝靖

順治十四年丁酉科

翟廉

順治丁酉科見進士

張名茲

順治十七年庚子科

程庸

康熙二年癸卯科行人司行人

張麟徵

康熙癸卯科延慶州學正

張爾介

康熙癸卯科見進士

王汝翼

康熙癸卯科廣西懷集知縣

秦訥

康熙八年己酉科

李珍

康熙十四年乙卯科

王顥

康熙二十三年甲子科解元錦州府

蘇汝蘅

康熙二十九年庚午科黎城知縣

錦縣教諭

張雲羽

康熙三十二年癸酉科

王鹿瑞

康熙三十八年己卯科見進士

孟寅生

康熙三十八年己卯科見進士

檀常保

康熙四十一年壬午科

尹聯璧

康熙五十三年甲午科

路慧

康熙甲午科

陳福成

康熙甲午科襄垣知縣

劉成德

康熙五十九年庚子科見進士

楊賓

雍正元年癸卯恩科東鹿教諭

孟昭

雍正元年癸卯恩科昭化知縣

劉光縉

雍正元年癸卯恩科鐵嶺知縣

張開甲

雍正二年甲辰補行癸卯正科

翟鋼

雍正四年丙午科

劉思問

雍正十三年乙卯科

翟昆

乾隆元年丙辰恩科懷來縣教諭

王欽會

乾隆六年辛酉科遵化州學正

王希旦

乾隆十五年庚午科蔚州學正

米繹如

乾隆正定教諭

武玉

乾隆四十九年甲辰科

劉穀萬

乾隆五十二年戊申預行正科見進士

郝愷會

嘉慶三年戊午科

王大磬

嘉慶六年辛酉科雲南定遠知縣

翟升

嘉慶辛酉科見進士

王霖蒼

嘉慶九年甲子科衡水縣訓導

史載筆

嘉慶十二年丁卯科靜甯州知州

李連夢

嘉慶十三年戊辰恩科見進士

陳鎔

嘉慶二十四年己卯科

李及辰

道光十二年壬辰科見進士

李逢辰

道光二十四年甲辰恩科

翟徽之

咸豐八年戊午科懷來縣教諭

卜振邦

同治三年甲子科新樂縣訓導

王景美

同治三年甲子科奉天康平縣訓導

張昆

同治六年丁卯科

張駒賢

同治十二年癸酉科見進士

李景綱

光緒二年丙子科

翟學洙

光緒五年己卯科奉天興京廳教諭

李景侗

光緒十一年乙酉科

郭壽椿

光緒十四年戊子科

貢生

明

洪武 史 鎖 榮城知縣

張 閏 太原知縣

樂永 朱 顯 苑馬寺卿

徐 翼 知縣

屈 良 給事中

侯 著

武 元

劉 正

王 佐

翟 興 德州判官

張 訥 府經歷

張 壽 知縣

趙 保 同知

張 保

謝 禮 刑部主事

韓 企 洪洞知縣

劉 贊

賈 興

李 榮 知縣

張 寬

馮 誠

馬 原

洪 王 浩 倉官

宣 宋 徵 序班

蘇 昭 宿州判官

李 瑛 鳴贊

正 焦 智

劉 郁 戶部主事

王 魯 陽城知縣

趙 進 引禮舍人

李 獻

劉 麟 益都縣丞

周 文 益都縣丞

李 翰 積山縣丞

王 鼎 諸城知縣

董誼 衛經歷

周琮 蓋屋縣訓導

趙濬

李端

劉廸

李敬

孫昌 平涼府同知

景周 耀州吏目

于福 澄城縣丞

鄭徽 宿松知縣

鄭莊 代州同知

史信 縣丞

趙銘 鳳華縣

王瑄 安陽縣縣丞

趙啟

天楊 經歷

劉聰

順劉鳳 應天府通判

張通 武定州判官

董頤 費縣主簿

周正 經歷

何淵 曹州判

成陳簡 魏源 興寶

旃英 衛經歷

曹銘 兵馬

張顯 華州吏目

薛貞

宋麒 新城知縣

張惠 經歷

李諤

李師曾

安仁 衛吏目

張文德 沁陽縣

劉鶚 蒲縣知縣

董章

王惠 滕縣主簿

王禮 府經歷

趙少宗 卷七 科目表 二

孫彪 南甯縣知縣

谷禎

董安

傅秉信

宏治 宋純 霍州訓導

張浚

宋隆

張達 淮安府訓導

曹瓘 宿州訓導

李鏞 宿松訓導

張琛 開封府訓導

宋鸞 曲陽縣丞

張定 富平訓導

丁森

魏恭

蘭秀

楊秀

張琦 歷城縣丞

周晟

劉鸚

正德 宋儒 訓導

孫達 經歷

王裕 訓導

何景 淄川縣訓導

李鳳

王甯 州吏目

周鎬 光山訓導

郭方

周安 穀縣訓導

孫和

耿定

劉紳 祥符縣主簿

劉俊 經歷

嘉靖 王綰 應州訓導

周甯

張緯 訓導

張之輝

趙雯 隴州吏目

馮韶 鎮源知縣

張裕 邙縣知縣

周一甯 清河知縣

聶文 曲沃訓導

石和 陽城縣主簿

義森

石崧 萊陽縣教諭

耿光 北京兵馬

張述祖 沔陽縣丞

楊世茂 寶府通判

趙賓 滁州經歷

周一宦 均州同知

姚澤

宋時望 曲府教諭

陳宰

眭溱 松江府訓導

趙檟 苑馬寺丞

張栩

張秉彝 平遙知縣

張治道 安寶教諭

馮學惠 湯陰主簿

張瑜 西平知縣

蘭之包 拔貢山東平原知縣

王康 蓋州衛訓導

劉乾亨 泰安訓導

李棟 馬邑縣訓導

王天祿 孝義縣丞

劉乾元 高唐州學正

蘇滕 開封通判

趙錦 咸甯縣教諭

韓琦

蘭孟

趙濂

吳若愚 辛酉拔貢靜甯州州判

牛鵬

周依乾

尉可學

王嵩

隆慶 王源潔

張勳

田助

賈自博

陝西保安知縣

萬歷楊夢魁

李統

王僑

趙連

王信

張可教

李可珍

張四科

山西浮山縣訓導

王九官

鉅鹿縣訓導

施連桂

教授

張光裕

李采

廣平府訓導

楊攀龍

東昌府教授

崔茂仁

天啟劉鳳翔

周燹

張元碩

山西靈石縣丞改授河南河內縣丞

焦鉅

馮化龍

崇禎聶克勤

范濟民

周之冕

孟凌雲

乙亥拔貢 國朝 戶部郎中陞福建邵武府知府

張仁聲

郝承祚

張箋

焦繪

國朝

恩貢

王謨

張麟士

姚振宗

雍正元年癸卯

張開第

王 埴 乾隆元年丙辰 孟一士 乾隆三十七年壬辰

李如金 嘉慶二十四年己卯 王清振 道光十五年乙未

姚壽先 道光二十六年丙午 王 暉 道光三十年庚戌

卜國榮 咸豐二年壬子 王大興 咸豐三年癸丑 八旗官學教習以知縣用

周 煥 咸豐九年己未 王政簡 咸豐十一年辛酉

趙鏡清 同治元年壬戌 張翼清 同治十一年壬申

周 炳 光緒元年乙亥 朱 炳 光緒四年戊寅

蘇 彬 光緒十五年己丑 劉肇典 光緒十六年庚寅

拔貢

張 暎 王 懿 順治五年戊子

楊宗茂 順治八年辛卯 王汝翼 順治十一年甲午

張爾猷 康熙十一年壬子 王 中

張秋實 雍正十三年乙卯 張擇勉 安徽鳳陽府通判

王希旦 乾隆六年辛酉 王雲書 乾隆三十年乙酉

武 玉 乾隆四十二年丁酉 王 煥 乾隆五十四年己酉

張文悅 嘉慶六年辛酉 魏 閻 嘉慶十八年癸酉

張世德 道光五年乙酉 翟學易 道光十七年丁酉

張觀生 道光二十九年己酉 史銘鏞 咸豐十一年辛酉 山東曹縣知縣

李榮紱 同治十二年癸酉 李元凱 光緒十年乙酉



卜麟祥 光緒二十三年丁酉

副貢

傅蘭孫 康熙二十三年甲子 雍正年 衡水縣教諭

劉穀萬 乾隆五十一年丙午 道光十五年乙未

李慶宇 光緒十一年乙酉

歲貢

順治 秦遇明 蠡縣訓導

焦文華 宿遷知縣

侯命新 中部縣知縣

閻遜 三年丙戌

張暄 四年丁亥唐縣訓導

孟登雲 江南無為州知州

劉漢棟 六年己丑廣平府訓導 郝維翰 七年庚寅魏縣訓導

王汝弼 八年辛卯房山縣訓導 張勳

焦運宏 十年癸巳內邱縣訓導 梁長年 十一年甲午

屈中立 十二年乙未 龔桂 十四年丁酉廣東曲江縣丞

梁玉 十五年戊戌 陳爾勳 十六年己亥

項鳴鶴 十八年辛丑 趙顯 十八年辛丑

康熙 杜森 元年壬寅 李謀 三年甲辰

王宏基 八年己酉 趙奇策 十年辛亥

梁貴 十一年壬子 王灝

王世範 蘇謙

張晗 十五年丙辰南皮縣訓導 秦旬平 大名府訓導

周登科 二十三年甲戌

雍正張世正 二年甲辰贊皇縣訓導

張景昇

劉衍齡 延慶州訓導

劉光綬

王虎變

張壽

張尊美

乾隆蘇清過 十年乙丑

姚時雍 二十年乙亥

張光烈 二十四年己卯

李見引 五十四年己酉

郭毓龍

周珩

張吉士

邢慶錫

王應宿

蘇克明

嘉慶郝怡會

陳丹階 懷柔縣訓導

李如漢

郭岐 香河縣訓導

魏廷彥 二十四年乙卯

孟繼祖

道光周會保 十年庚寅

于同春 十二年壬辰

郝大醅

周遜敏

尹龍堂

李聯魁 二十一年辛丑

張事敏 二十三年癸卯

邢欽賜 二十五年乙巳

咸豐邢聞韶 二年壬子

李碩烈 三年癸丑

翟學琴 五年乙卯

石如馨

周芸生 八年戊午

王國棟 十一年辛酉

趙州志 卷十

同治趙 烜 四年乙丑

劉指南 十一年壬申

光緒 卜翥鳳 元年乙亥

賈郇棠

鄭尙志 八年壬午

郭樹英 十五年己丑

邢聚星 二十年甲午

魏鳳文 二十三年丁酉

馬明昌 九年庚午

高錦文 十三年甲戌

王國楨 三年丁丑

李潔梅 六年庚辰

張雲臺 十二年丙戌 順天 永清縣訓導

王官慶 十七年辛卯

趙夢丙 二十二年丙申

武科

明

武進士

李為柱 癸丑 眞定右營參將

武舉人

李昌明 永樂年

張元朱 天啟七年丁卯

檀論 撫標右營守備 殉難

趙完璧 涿州守備

王洪度 萬曆年

王之蓋 解元 昭勇將軍 遷 粵西參將

王宏功 千總 殉難

李調 讓從兄 崇禎年 同 殉難 贈都司

國朝

趙州志 卷七

科目表

七

武進士

孫英 康熙六年丁未科 江南漂陽衛守備 朱琰 乾隆年浙江衢州鎮標中營守備

魏廷魁 乾隆五十五年庚戌科會元 殿試 魏廷寅 嘉慶十九年甲戌科福建泉州府同安營參將

李蘊隆 同治七年戊辰科 廣東廣州府協標 米文光 同治七年戊辰科山西蒲州營都司

侯殿甲 光緒三年丁丑科 高鳳翔 光緒二十一年乙未科

武舉人 杜繩儒 順治二年乙酉科 杜鴻儒 順治二年乙酉科

睦騰漢 順治五年戊子科 李生白 順治十四年丁酉科

孫英 康熙五年丙午科 見進士 張秀 康熙十一年壬子科

王璋 康熙十一年壬子科 蘭清 康熙五十三年甲午科

孫健 朱福彪

殷圖麟 李華林

尹清 乾隆四十五年庚子科 魏廷魁 乾隆五十年丙午科見進士

王烜 乾隆五十七年壬子科 張維藩 嘉慶三年戊午科

張士達 嘉慶三年戊午科 魏廷寅 嘉慶六年辛酉科見進士

張清蘭 王世慶 道光元年辛巳科

李興邦 道光元年辛巳科 恩科 李從龍 道光元年辛巳科 恩科

魏廷璧 道光二年壬午科 劉占魁 道光二年壬午科

科目表

魏廷璧 道光二年壬午科

魏廷璧 道光二年壬午科

馬安宇

鄭鶴翼

道光十二年辛卯

李玉柱

道光十二年壬辰

李四維

道光十二年壬辰

賈太平

道光十二年壬辰

李鶴鳴

道光十二年壬辰

武紹南

道光二十六年丙午科

張雲霄

咸豐元年辛亥科

李蘊隆

同治六年丁卯科

米文光

同治六年丁卯科

賈鳳林

同治九年庚午科

李暎魁

同治九年庚午科

牛斌魁

光緒元年乙亥

侯殿甲

光緒二年丙子科

郭俊傑

光緒二年丙子科

焦丕承

光緒八年壬午科

姚文棟

光緒十一年乙酉

高鳳翔

光緒十四年戊子

邢振邦

光緒十四年戊子

康連珍

光緒十七年辛卯

直隸趙州志卷八

人物志

名臣

臣之受榮名也非純臣意也主德闕失斯有糾繩名朝政廢隳斯有振飭名僉王冒進斯有排擊名時局艱危斯有匡扶名乘國家君父之不幸而已取名焉忍乎哉然而實至名歸載筆者無溢辭讀史者有餘慕非人弋名名自附人耳若而人者曾不數數觀鍾而萃之一地則川嶽之靈也趙自廉藺而外名臣駢肩接迹東光侯桓桓武夫耳乃能識時勸進遂開東

京基業偉矣晉陽侯濁酒素箏殆類狂士突爾首唱  
 大義指揮定策魯仲連王景畧風規芒芴其猶存乎  
 乞師平原說以連合游士故智也其論出兵決勝非  
 河羅韜鈴者烏乎知之伯高奇人哉大水禦戎之策  
 發自郭仲謀後之治塘灤者實祖其說製獨轅鹿角  
 諸械殆餘技耳若夫軍國謀謨贊畫密勿應推李宣  
 城其後宋公垂弼成主德王元輔不戰卻敵其北宋  
 之翹楚乎茲編所登采諸史冊昭信也行取端品取  
 潔涉瑕類者屏之示嚴也士果有志私淑即桑梓生  
 長之區時致其高山景行之思趾美襲芳取則固不

遠爾

周

廉頗

藺相如

趙勝

趙奢

李牧

漢

李左車

馮唐

耿純

北魏

李會

傳在名宦

李靈

李孝伯

李祥

李安世

李瑒

李元忠

李繪

唐

李萼 李芄 李苾 李遜 李建

李翺

宋

宋綬

宋敏求

宋昌言

王德用

郭諮

孫永

金

賈益謙

周

廉頗者趙之良將也趙惠文王十六年廉頗為趙將伐齊大破之取昔陽拜為上卿以勇氣聞於諸侯及秦攻趙畏頗使人閒之孝文王用閒免頗而將趙括遂有長平之敗後五年燕用栗腹計敗趙趙乃復將頗大敗燕師於鄣殺栗腹遂圍燕燕懼割五城以和封頗為信平君悼襄王時使樂乘代將遂奔魏趙王數困復思之使視頗尚可用否頗之讐郭開多與使者金令毀之王遂不召楚人迎之卒於楚

今州東十五里有廉頗墓

藺相如者趙人也趙惠文王時為舍人秦昭王聞趙有和

名臣

氏璧請易以十五城趙王難之召問相如對曰秦以城求璧而趙不予曲在趙趙予璧而秦不予趙城曲在秦臣願奉璧往使秦不予趙城臣請完璧歸趙於是遣相如入秦奉璧相如視秦王無意償趙城乃前曰璧有瑕請指示王因持璧却立怒髮上衝冠謂秦王曰大王必欲急臣臣頭與璧俱碎於柱矣秦王乃辭謝相如使其從者懷璧從徑道亡歸趙而以身待命於秦秦不敢逼及歸拜爲上大夫明年秦趙復會澠池秦王請趙王奏瑟趙王鼓之相如復強請秦王爲一擊缶竟酒秦終不能加勝於趙旣罷歸國以功拜上卿在廉頗右頗宣言

必辱之相如聞之每自引避其舍人羞之相如曰夫以秦王之威相如廷叱之獨畏廉將軍哉顧秦所以不敢加兵於趙者徒以吾兩人在也吾所以爲此者以先國家之急而後私讐也廉頗聞之內袒負荆至藺相如門謝罪卒相與驩爲刎頸之交相如韓獻子後獻子孫曰康食邑於藺因氏焉

按藺趙邑

趙勝趙公子最賢喜賓客賓客至者數千人號平原君相趙惠文王及孝成王三去相三復位封於東武城其樓臨民家有璧者槃散行汲美人居樓上臨見大笑之明日璧者請曰臣不幸有罷癯之病而君之後宮臨而笑



臣臣願得笑臣者頭勝笑應終不殺美人門下舍人稍  
稍引去勝怪之門下一人曰以君不殺笑璧者爲愛色  
而賤士士卽去耳於是斬美人頭謝焉門下乃復稍稍  
來秦之圍邯鄲勝合從於楚約與門下有勇力文武備  
具者二十人偕得十九人門下有毛遂者前自贊曰遂  
聞君將合從於楚今少一人願君以遂備員而行平原  
君曰夫賢士之處世也譬若錐之處囊中其末立見今  
先生處勝之門下三年於此矣勝未有所聞是先生無  
所有也毛遂曰臣乃今日請處囊中耳使遂蚤得處囊  
中乃穎脫而出非特其未見而已平原君竟與毛遂偕

定從楚使春申君將兵救趙魏信陵君亦矯奪晉鄙軍  
往救趙皆未至秦圍邯鄲急平原君盡散家之所有饗  
士得敢死之士三千人遂卻秦軍會楚魏救至秦兵遂  
罷邯鄲復存平原君以趙孝成十五年卒後子孫與趙  
俱亡

趙奢者趙之田部吏也收租稅而平原君家不肯出奢以  
法治之殺其用事者九人平原君怒將殺之奢據理而  
爭詞無撓屈平原以爲賢言之於王王用之治國賦國  
賦大平民富而府庫實秦伐韓軍於闕與王召問奢可  
救不對曰其道遠險狹譬兩鼠鬪於穴中將勇者勝王

趙州志 卷八  
令趙奢將兵救之兵去邯鄲三十里秦軍武安西奢堅壁留二十八日不行復益增壘秦將大喜奢乃卷甲而趨之大破秦軍遂解邯鄲之圍而歸惠文王賜號馬服君子括復爲趙將

李牧者趙之北邊良將也常居代雁門備匈奴以便宜置吏市租皆輸入幕府爲士卒費日擊數牛饗士習射騎謹烽火多間諜厚遇將士爲約曰匈奴卽入盜急收保有敢捕虜者斬匈奴每入烽火謹輒收保不戰數歲亦無亡失然匈奴與趙邊兵以爲怯趙王使他人代將歲餘匈奴每來出戰數不利失亡多邊不得田畜趙王乃

復強起使將兵牧曰王必用臣臣如前乃敢奉令王許之李牧至如故約邊士日得賞賜而不用皆願一戰於是悉勤習戰大縱畜牧人民滿野匈奴小入佯北以數十人委之單于大率眾來牧多爲奇陳張左右翼擊之破殺匈奴十餘萬騎滅襜褕破東胡單于奔走十餘歲不敢近趙邊城悼襄王使李牧攻燕拔武遂方城後以爲大將軍擊秦軍於宜安大破之封牧爲武安君居三年秦攻番吾牧擊破秦軍南距韓魏趙王遷七年秦攻趙牧禦之秦多與趙寵臣郭開金爲反間趙王乃使趙蔥及齊將顏聚代牧牧不受命趙使人捕斬之後三月

秦遂滅趙

史記

按唐書世系表武安君之祖曇爲秦司徒其次子璣爲大傅生三子牧其中子也仕趙封武安君始居趙郡牧之孫爲廣武君左車十餘傳族始大故平棘李氏推武安君爲鼻祖云

漢

李左車趙王歇臣也封廣武君韓信張耳以兵數萬東下井陘擊趙左車說成安君陳餘曰聞漢將韓信涉西河虜魏王禽夏說新喋血關與此乘勝而去國遠鬪其鋒不可當臣聞千里饋糧士有飢色樵蘇後爨師不宿飽今井陘之道車不得方軌騎不得成列行數百里其勢糧食必在後願足下假臣奇兵三萬人從閒道絕其輜

重足下深溝高壘勿與戰彼前不得鬪退不得還吾奇兵絕其後野無所掠鹵不至十日兩將之頭可致戲下成安君不聽於是漢兵破虜趙軍斬成安君於泚水上禽趙王歇信乃令軍有生得廣武君者購千金頃縛而至信解其縛師事之問曰僕欲北攻燕東伐齊若何有功廣武君曰今足下虜魏王禽夏說不旬朝破趙二十萬眾誅成安君名聞海內威振諸侯眾庶莫不輟作怠惰靡衣媮食傾耳以待禽者然而眾勞卒罷其實難用也舉劬敝之兵頓燕堅城之下情見力屈欲戰不拔曠日持久糧食單竭若燕不破齊必距境以自疆二國相

持則劉項之權未有所分也當今之計不如按甲休兵  
百里之內牛酒日至以饗士大夫北首燕路然後發一  
乘之使奉咫尺之書以使燕燕不敢不聽從燕從而東  
臨齊雖有智者不能爲齊計矣兵有先聲而後實者此  
之謂也信曰善於是用廣武君策發使燕燕從風而靡  
漢書

馮唐文帝時爲郎中署長帝輦過之因問趙將李齊之賢  
唐對不如廉頗李牧上聞頗牧乃拊髀曰嗟乎吾獨不  
得廉頗李牧爲將豈憂匈奴哉唐曰臣知陛下雖有廉  
頗李牧不能用也上怒讓唐唐以魏尙下吏事對帝說

令唐持節赦魏尙復爲雲中守而拜唐爲車騎都尉十  
年景帝立以唐爲楚相武帝卽位求賢良舉唐唐時年  
九十餘不能爲官乃拜其子遂爲郎

漢書

耿純字伯山鉅鹿宋子人也父艾爲王莽濟平尹純爲納  
言士更始立使李軼拜純爲騎都尉世祖至邯鄲純卽  
謁見獻馬及縑帛世祖北至中山留純邯鄲會王郎反  
世祖自薊東南馳純與從昆弟訢宿植共率宗族賓客  
二千餘人奉迎於育拜純爲前將軍封耿鄉侯訢宿植  
皆偏將軍使與純居前降宋子從攻下曲陽及中山是  
時郡國多降邯鄲者純恐宗家懷異心廼使訢宿歸燒

其廬舍世祖歎息從平郡鄆又破銅馬時赤眉青犢上江大槍鐵脰五幡十餘萬眾並在射犬世祖引兵將擊之純軍在前去眾營數里賊忽夜攻純雨射營中士多死傷純堅守不動選敢死二千人持強弩傳三矢使閒行繞出賊後齊聲呼譟強弩並發賊眾驚走追擊大破之世祖乃以純族人耿伋爲蒲吾長悉令將親屬居焉世祖破滅尤來大槍五幡諸賊諸將議上尊號不聽行到南平棘諸將復固請純進曰天下士大夫捐親戚棄土壤從大王於矢石之間其計固望攀龍鱗附鳳翼以成其志耳今功業既定天人亦應而大王留時逆眾不

正位號純恐士大夫望絕計窮則有去歸之思大眾一散難可復合時不可留眾不可逆言甚誠切世祖遂卽位封純高陽侯擊劉永於濟陰下定陶斬眞定王劉揚兄弟還京師因自請願試治一郡帝笑曰卿旣治武復欲修文耶乃拜純爲東郡太守純視事數月盜賊清甯四年詔純將兵擊范荆荆降進擊太山濟南及平原賊皆平之居東郡四載坐事免以列侯奉朝請從擊董憲道過東郡百姓老少數千隨車駕涕泣曰願復得耿君帝謂公卿曰純年少被甲冑爲軍吏耳治郡乃能見思若是六年定封爲東光侯純辭到國弔死問病民愛敬

之八年東郡濟陰盜賊羣起帝以純威信素著遣使拜  
大中大夫使與大兵會東郡東郡聞純入界盜賊九千  
餘人皆詣純降大兵不戰而還璽書復以爲東郡太守  
吏民悅服十三年卒官諡曰成侯子阜嗣凡宗族封列  
侯者四人關內侯者三人爲二千石者九人

後漢書

北魏

李靈字武符平棘人神麀中太武徵天下才儁靈至拜中  
書博士再遷淮陽太守以學優選授文成皇帝經加中  
散內博士文成踐阼卒於洛州刺史贈定州刺史鉅鹿  
公諡曰簡初靈與從弟順孝伯並以學識器業見重於

時故能砥礪宗族競各修尚靈與族叔詵族弟熙等俱  
被徵高允爲作徵士頌曰趙實名區世多奇士山嶽所  
鍾挺生三李矯矯清風抑抑容止初九而潛望雲而起  
詵尹西都靈惟作傳垂訓皇宮載理雲霧熙雖中天迹  
階郎署餘塵可挹終亦顯著

北史

李孝伯曾子少傳父業博綜羣言美風儀動有法度從兄  
順言於太武徵爲中散謂順曰眞卿家千里駒也遷秘  
書奏事中散轉散騎侍郎光祿大夫委以軍國機密甚  
見親寵遷北部尙書以頻從征伐規畧之功進爵壽光  
侯眞君末車駕南伐至彭城宋徐州刺史武陵王駿遣

人獻酒二器甘蔗百挺并請駱駝帝遣孝伯至小市門  
駿亦使其長史張暢對孝伯孝伯從容閑雅應答如流  
暢及左右甚相嗟歎帝大喜進爵宣城公卒贈征南大  
將軍定州刺史諡曰文昭孝伯體度恢雅明達政事朝  
野咸推重之景穆會啟太武廣徵俊秀帝曰朕有一孝  
伯足理天下何用多爲其見重如此性方慎忠厚每朝  
廷事有所不足必手自書表切言陳諫或不從者至於  
再三削滅草稿家人不見公廷議論常引綱紀或有言  
事者孝伯恣其所陳假有是非終不抑折及見帝言其  
所長初不隱人姓名以爲己善故衣冠之士服其雅正

自崔浩誅後軍國謀謨咸出孝伯獻替補闕其迹不見  
時人莫得而知卒之日遠近哀傷焉

北史

李祥字元善孝伯兄學傳家業鄉黨宗之位中書博士時  
尙書韓元興率眾出青州以祥爲軍司畧地至陳汝淮  
北之人詣軍降者七千餘戶遷之兗豫之南置淮陽郡  
以撫之拜祥太守流人歸者萬餘家百姓安業遷河間  
太守有威恩之稱徵拜中書侍郎人有干餘上書乞留  
數年朝廷不許卒官追贈定州刺史平棘子諡曰憲

北史

李安世祥子幼而聰悟高宗引見侍郎博士之子簡其秀  
儁者安世年十一陳說祖父甚有次第卽以爲中書學

生高宗每幸國學恆獨被引問居父憂以孝聞大安初拜中散温敏敬慎顯祖親愛之累遷主客令蕭頤使劉纘朝貢安世美容貌善舉止纘等自相謂曰不有君子其能國乎纘等呼安世爲典客安世曰三代不共禮五帝各異樂安得以亡秦之官稱於上國纘曰世異之號凡有幾也安世曰周謂掌客秦改典客漢名鴻臚今日主客纘又指方山曰此山去燕然遠近安世曰亦由石頭之於番禺耳國家有江南使至多出藏內珍物令都下富室好容服者貨之使任情交易使至金玉肆間問價纘曰北方金玉大賤當是山川所出安世曰聖朝不

貴金玉所以賤同瓦礫又皇上德通神明山川不愛寶故無川無金無山無玉纘初將大市得安世言慚而罷遷主客給事中時民困饑流散豪右多占奪安世乃上疏陳均量之制高祖深納之後均田之制起於此出爲相刺史假節趙郡公敦勸農桑禁斷淫祀西門豹史起有功於民者爲之修飾廟堂表薦廣平宋翻陽平路恃慶皆爲朝廷善士初廣平人李波宗族強盛殘掠生民遂爲逋逃數安世設方畧誘波及子姓三十餘人斬於鄴市境內肅然

魏書

李瑒安世子涉歷史傳頗有文才魏世宗延昌末爲司徒



長兼主簿於時民多絕戶而爲沙門場上言三千之罪莫大於不孝不孝之大無過於絕祀安得輕從背禮之情而肆其向法之意棄堂堂之政而從鬼教乎沙門都統僧暹等以場爲謗毀佛法泣訴靈太后太后責之場自理曰竊聞禮曰明則有禮樂幽則有鬼神是以明者爲堂堂幽者爲鬼教佛非天非地本出於人應世導俗其道幽隱名之爲鬼愚謂非謗太后雖以場言爲允然不免暹等意罰場金一兩轉尙書郎隨蕭寶夤西征以場爲統軍場招募雄勇樂從者數百騎寶夤拊其肩曰子遠來吾事辦矣故其下每有戰功軍中號曰李公騎

寶夤啟場爲左丞軍機戎政皆與參決還朝坐免

李元忠靈曾孫少厲志操麤覽書史及陰陽術數有巧思居喪以孝聞襲爵平棘子及葛榮起元忠率宗黨作壘以自保賊至元忠輒卻之葛榮悉眾攻圍執之賊平拜南趙郡太守

時以本州爲趙郡以邯鄲爲南趙郡

及爾朱兆弒敬宗元忠

棄官歸謀舉兵討之會高歡東出乘露車載素箏濁酒以迎歡歡未卽見元忠下車獨酌謂門者曰本言公招延俊傑今聞國士到門不能吐哺輟跣其人可知還吾刺勿復通也門者以告歡遠見之引入觴再行元忠取箏鼓之長歌慷慨歌闋謂歡曰天下形勢可見公猶事

爾朱乎歡曰富貴皆由他安敢不盡節元忠曰非英雄也乃進縱橫之策深見嘉納又謂歡曰殷州小無糧仗不足濟大事冀州大藩若向冀州高乾邕兄弟必爲明公主入殷州便以賜委冀殷滄瀛幽定自然彌從惟劉誕黠胡或當乖拒然非明公之敵歡急握元忠手而謝焉殷州刺史爾朱羽生阻兵據州元忠聚眾與大軍禽斬之歡卽令行殷州事封晉陽縣伯後爲光州刺史時州境災儉人皆菜色元忠表求賑貸被報聽用萬石元忠以爲少遂出十五萬石賑之事訖表陳朝廷嘉而不責徵拜侍中元忠雖處要任初不以物務干懷惟以聲

酒自娛年漸遲暮乞在閑冗以養餘年卒贈司徒諡曰敬惠

李繪字敬文靈曾孫六歲便求入學家人以偶年俗忌不許遂竊其筆牘用之未踰晦朔遂通急就章及長儀貌端偉神情朗雋後敕撰五禮繪與太原王义同掌軍禮厯中書侍郎丞相司馬武定初兼散騎常侍爲聘梁使主前後行人皆通啟求市繪獨守清尙梁人重其廉潔使還拜高陽內史高陽舊多陂淀繪至後淀水皆涸乃置農正專主勸課墾田倍增家給人足瀛州三郡人俱詣州爲繪立碑於郡街河間太守崔謚恃其弟暹勢從

繪乞麋角鴿羽繪答書曰鴿有六翮飛則沖天麋有四足走便入海下官膚體疏懶手足遲鈍不能近追飛走遠事佞人繪質性方重未嘗趨事權門以此久而沈屈

卒

北史

唐

李寧字伯高趙州人擢制科爲南華令時大水他縣飢人至相屬寧爲具餐粥及去糗糧送之吏爲立碑安祿山亂寧客清河太守使赴平原乞師謂顏真卿曰聞公義烈首唱大順河朔諸郡恃公爲長城今清河實公之西鄰也僕幸寓家得其虛實知可爲長者用今計蓄積足

以三平原之富士卒可以二平原之強公因而撫之腹心輔車之郡其他小城運之如臂使指耳惟公所意誰敢不從真卿爲出兵六千謂曰吾兵已出子將何以教我寧曰聞朝廷使程千里統眾十萬自太行東下將出嚙口爲賊所扼兵不得前公若先伐魏郡斬賊守袁知泰以勁兵披嚙口出千里之兵使討鄴十萬之眾徇洛陽分兵而制其衝計王師亦不下十萬公當堅壁勿與戰不數十日賊心潰而相圖矣真卿然之賊大敗斬首萬餘級一郡全獲時軍費困竭寧勸真卿收景城鹽使諸郡相輸用度遂不乏後寧歷廬州刺史名最著

李芄字茂初趙州人解褐上邽主簿補長安尉李勉觀察  
江西表署判官永泰初宣饒劇賊方清陳莊西絕江劫  
商旅爲亂支黨槃結芄請以秋浦置州扼其衿要使不  
得合從勉是其計奏以宣之秋浦青陽饒之至德置池  
州卽詔芄行州事德宗立授河陽三城鎮遏使糧資善  
者必先以給士士悅之練達事宜嚴備常若有敵未幾  
拜節度使與馬燧等破田悅於洹水上悅將符璘以騎  
五百降芄大開壁門納之以疾將請老謂所親曰歲方  
旱蝗上厭征伐天下城壘堅戈鋌利然務以力勝其可  
盡乎救敝者莫若德方鎮之臣宜先退讓死權錮祿吾

言而不踐非吾志也固求罷歸東都卒

唐書

李遜字友道魏申公發之後趙郡所謂申公房者客居荆  
州始署山南東道掌書記累遷濠州刺史初濠州兵謀  
殺其將楊騰騰走揚州因滅騰家遂行剽劫遜至諭以  
利害眾釋鎧自歸入爲給事中故事天子以畸日聽政  
對羣臣遜奏陛下求治而下有所陳當不時上豈宜限  
以日憲宗悅從之代嚴綬爲山南東道節度使時方討  
蔡析山南東道爲兩節度以唐鄧隋三州授高霞寓得  
專攻討而遜督襄復郢均方五州賦饋之初襄陽兵隸  
霞寓者多逃還後霞寓戰賊不勝言爲遜所撓帝欲按

狀宰相請置不問下遷太子賓客中人誣之更貶思王  
 傳久乃歷京兆尹為忠武節度使時吳元濟始平治條  
 疏類遜召會大眾申嚴約束明諭賞罰上下皆感畏眾  
 遂安遜於為政抑疆植弱貧富均一所至有績可紀長  
 慶初幽鎮繼亂遜首建誅討計不聽詔以兵萬人會行  
 營即日上道先諸軍至未幾徙節鳳翔過京師以疾求  
 解為刑部尚書卒贈尚書右僕射諡曰貞

唐書

李建字杓直遜弟鄉人爭鬪不詣府而詣建平決無頗母  
 憐其孝每字之曰矮子勸吾食吾輒飽進藥吾疾其瘳  
 貞元中補校書郎德宗思得文學者或以建聞帝問左

右宰相鄭珣瑜曰臣為吏部時當補校書入人宅皆藉  
 貴勢以請建獨無有帝喜擢翰林學士順宗立李師古  
 以兵侵曹州建作詔諭還之辭不假借王叔文欲更之  
 建不可以兵部郎中知制誥宰相有竄定藁詔者亟請  
 解職除京兆少尹會遜被讒建申治之出為澧州刺史  
 初建為學時家苦貧兄造知其賢為營丐使成就之故  
 遜建皆舉進士後雖通顯未嘗置垣屋以清儉稱

唐書

李翱字習之趙州人第進士為史館修撰嘗謂史官紀事  
 不得其實乃上疏言人之行非大善大惡暴於世者皆  
 訪於人人不周知故取行狀謚牒然其為狀者皆故吏

門生苟言虛美溺於文而忘其理臣請指事載功則賢不肖易見如言魏徵但記其諫諍語足以爲直言段秀實但記倒用司農印追逆兵笏擊朱泚足以爲忠烈不者願敕考功太常史館勿受如此可以傳言後世矣又條興復太平事言用忠正屏邪佞改稅法不督錢而納布帛絕進獻寬百姓租賦厚邊兵以制蕃戎侵盜數引見待制官問以時事通塞蔽之路此六事政之根本帝皆納之翱性峭鯁議論無所屈始從韓愈爲文章詞致渾厚見推當時

唐書

宋

宋綬字公垂平棘人父皋尙書度支員外郎直集賢院綬幼聰警文章爲一時所尙年十五召試中書眞宗愛其文選大理評事聽於秘閣讀書爲集賢校理與父皋同職及祀汾陰召赴行在所過地志風物故實每舍止卽以奏上判三司憑由司建言比歲下赦令釋逋負後期未報者六十八州請於諸路選官考覈期半月以聞於是脫械繫三千二百人蠲積負數百萬擢知制誥遂爲翰林學士同修國史史成遷尙書工部侍郎時太后猶稱制仁宗未嘗獨對羣臣綬奏言非軍國大事除拜皆前殿取旨書上忤太后意改龍圖閣學士出知應天府

太后崩帝思綬言召還將大用而宰相張士遜沮止之復加翰林侍讀學士綬言帝王御天下在總攬威柄頃太后多吝除拜而邪幸或徑取升擢議者謂恩出太后今恩賞雖行又謂自大臣出非大臣朋黨罔上何以得此朋黨為朝廷患古今同之大官市恩以招權小人趨利以售進此風寢長有蠹邦政整齊綱紀正在今日張士遜罷乃拜綬參知政事時帝春秋富天下久無事綬慮晏樂有漸乃言人心逸於久安而患害生於所忽臣願飭勵羣司不以承平自怠又言馭下之道有三臨事尚守當機貴斷兆謀先密能守則奸不能移能斷則邪

不能惑能密則事不能撓願陛下念之俄與呂夷簡王曾蔡齊同罷歲餘加資政殿大學士知河南府元昊反帝以手詔詢攻守之策綬畫十事以獻復詔知樞密事遷兵部尚書參知政事尋卒贈司徒兼侍中諡宣獻綬性孝謹清介言動有常為兒童時手不執錢家藏書萬餘卷親自校讐其筆札尤精妙朝廷大議論多綬所裁定及卒帝多取其書字藏禁中初郊祀綬攝大僕卿帝問儀物典故占對辨洽因上所撰鹵簿圖十卷有常山操縵集行於世

宋敏求字次道綬子賜進士及第為館閣校勘與修唐書

治平中同修起居注知制誥王安石惡呂公著誣其言韓琦欲因人心如趙鞅興晉陽之甲以逐君側之惡出知潁州敏求當草制安石諭旨使明著罪狀敏求但言數陳失實安石怒白於帝命陳升之改其語敏求請解職未聽會李定自秀州判官除御史敏求與蘇頌李大臨言定不由銓考隳紊朝制封還詞頭遂以本官右諫議大夫奉朝請天下謂之熙甯三舍人策試賢良方正孔文仲對語切直擢置優等安石愈怒罷文仲人爲敏求懼帝全護之鄧潤甫爲帝言比羣臣多尙告訐非國家之美宜登用敦厚之士以變薄俗乃加敏求龍圖閣直學士命修兩朝正史卒年六十一特贈禮部侍郎敏求家藏書三萬卷皆畧誦習熟於朝廷典故士大夫疑議必就正焉補唐武宗以下六世實錄百四十八卷他所著述甚多學者多資之嘗建言河北陝西河東舉子性樸茂而辭藻不工故登第者少請令轉運使擇有行藝材武者特官之使人材參用而士有可進之路又州郡有學舍而無學官故士多輕去鄉里以求師請置學官後頗施行之

宋昌言字仲謨敏求族弟以蔭爲澤州司理參軍州有殺人獄昌言疑其寃堅請迹捕果得眞犯者稍遷河陰發



運判官自濟源之官見道上棄屍若剛剝狀者甚眾喟然歎至河陰得凶盜六輩乃殺人而鬻之者已十餘年矣捕其家得執縛未殺七人縣吏與市井少年共爲胥橐昌言窮治其淵藪而流其家人擢都水監丞熙甯初河決棗強而北昌言建議欲於二股河口西岸新灘立土約障水使之東流候稍深卽斷北流縱出葫蘆下流以除恩冀深瀛水患詔從之提舉河渠王亞以爲不可成不如修生隄朝廷遣司馬光往視如昌言策不兩月決口塞遷開封府推官歷濮冀二州河決曹村召判都水監往護河隄靈平隄成轉少府監卒贈絹二百疋

宋史

王德用字元輔趙州人父超爲懷州防禦使至道二年分五路出兵擊李繼遷超帥兵六萬出綏夏德用年十七爲先鋒將萬人戰鐵門關斬首十三級俘掠蓄產以數萬計進師烏白池他將多失道不至虜銳甚超按兵不進德用請乘之得精兵五千轉戰三日敵勢卻德用曰歸師迫險必亂乃領兵距夏州五十里絕其歸路令曰亂行者斬一軍肅然超亦爲之按轡繼遷躡其後見隊伍甚嚴整莫敢近超撫其背曰王氏有子矣累遷內殿崇班以御前忠佐爲馬軍都軍頭出爲邢洛磁相巡檢盜張洪霸相聚界上吏不能捕德用以羶車載勇士詐

爲婦人飾過邯鄲賊果來邀勇士奮出悉擒之天聖初  
歷桂州福州觀察使章獻太后臨朝有求內降補軍吏  
者德用曰補吏軍政也不可與太后固欲與之卒不奉  
詔乃止太后崩仁宗得德用奏軍吏事奇之以爲可大  
用拜檢校太保簽書樞密院事德用謝曰臣武人不學  
不足以當大事帝遣使者趣入院遂爲副使久之遷定  
國軍節度使德用狀貌雄毅面黑頸以下白皙言者謂  
貌類藝祖御史中丞孔道輔繼言之且謂其得士心不  
宜久典機密遂罷爲武甯軍節度使緣事降右千牛衛  
上將軍知隨州州置判官家人皆惶恐德用舉止如平

時惟不接賓客而已徙知曹州而孔道輔卒或謂德用  
曰孔中丞害公今死矣德用曰中丞言官豈害我者朝  
廷亡一忠臣可惜也起爲保靜軍節度觀察留後知青  
州改澶州契丹遣劉六符來求復關南地以兵壓境詔  
德用會議二府德用奏言陛下不忍勞民姑以金帛啗  
之以全舊好卒如其言徙定州路都總管日訓練士卒  
契丹謀來覘或請捕殺之德用曰第舍之彼得實以告  
是服人之兵以不戰也明日大閱桴鼓之士皆踴躍進  
退坐作終日不戮一人乃下令具糗糧聽吾鼓聲視吾  
旗幟所向覘者歸告契丹謂漢兵將大入旣而復議和

遂徙陳州拜同中書門下平章事封祁國公改封冀國  
公皇祐三年致仕德用將家子習知軍情善以恩撫下  
得士心名聞四夷婦女小兒皆呼爲黑王相公德用雖  
致仕乾元節上壽預班廷中契丹使語譯者曰黑王相  
公乃復起耶帝聞之起爲河陽三城節度使判鄭州至  
和元年爲樞密使契丹使耶律防至德用與防射玉津  
園防曰天子以公典樞密而用富公爲相將相皆得人  
矣帝聞之賜弓一矢五十後封魯國公求去位至六七  
乃以爲景靈宮使卒贈太尉中書令諡武恭

宋史

郭諮字仲謀趙州平棘人八歲始能言聰明過人舉進士

歷大理寺丞知濟陰縣言治河與本道使者議弗合監  
通利軍稅洛州肥鄉縣田賦不平轉運使楊偕遣諮攝  
令以往旣至以干步方田法四出量括遂得其數除無  
地之租者四百家收逋賦八十萬流民乃復偕奏其才  
遷殿中丞知館陶縣康定西征諮獻拒馬槍陣法擢通  
判鎮戎軍募兵教習會三司議均稅法歐陽修言惟諮  
方田法簡而易行詔諮與孫琳均蔡州上蔡縣稅爲崇  
儀副使提舉黃御河隄岸時富弼使契丹諮入對陳大  
水禦戎之要詔儲用興役會契丹約和而止知忻州開  
渭渠導汾水興水利置屯田轉運使任顥言諮有巧思

自爲兵械皆可用詔以所作刻漏圓楯獨轅弩生皮甲  
來上帝頗嘉之除鄜延路兵馬鈐轄許置弩五百募土  
兵教之旣成經畧使夏安期言其便詔立獨轅弩軍以  
西上閣門使知潞州言懷保二郡旁山可以植稻定武  
唐河抵瀛莫間可興水田又作鹿角車陷馬槍請廣獨  
轅弩於他道詔諮置弩千分給并潞三司議均田租召  
還諮陳均括之法四十條復上平燕議帝壯其言未及  
論功而卒

宋史

孫永字曼叔冲之孫擢進士第爲諸王府侍讀神宗爲穎  
王出韓非子畀官僚讐定永曰非險薄刻核其書背六

經之旨願毋留意歷河北陝西都轉運使時邊用不足  
以解鹽市馬別爲一司外臺不得與永奏曰鹽馬國之  
大計使主者專其柄苟爲非法孰從而制之加龍圖閣  
直學士知秦州王韶以布衣建取熙河策永折之曰邊  
陲方安靜無故騷動恐變生不測會新築劉家堡失利  
眾請戮偏裨以塞責永曰居敵必爭之地軍孤援絕兵  
法所謂不得而守者也尤人以自免於我安乎神宗嘗  
問青苗助役之法永極稱於民不便時議復肉刑永奏  
曰刻人肌膚深害仁政漢文帝所不忍陛下忍之乎知  
瀛州河決於貝瀛冀尤甚民租以災免者州縣懼常平

法徵樞如故永連章論止神宗從之仍令發廩粟以賑  
白溝巡檢趙用以遼人漁界河擅引兵北度蕩其族帳  
遼人持此兆釁數暴邊上永請正用罪以謝未報遼屯  
兵連營亘四十里永諭之曰疆吏冒禁已寘之獄今何  
爲者敵意解而旋哲宗立召拜工部尙書太皇太后下  
詔求言永復陳保馬保甲免役三事願一切罷去復修  
監收保伍差徭之法皆納之卒贈銀青光祿大夫諡曰  
康簡永外和內勁論議常持平不求詭異事或悖於理  
雖逼以勢不爲屈范純仁蘇頌皆稱之爲國器

宋史

金

賈益謙字彥亨沃州人由詞賦進歷仕州郡以能稱明昌  
間累遷右諫議大夫召對稱旨進吏部侍郎時鎬王以  
疑忌下獄上怒甚朝臣無敢言者益謙上章論其不可  
言極懇切上切責之旣而以議衛王事有違上意削官  
三階大安末拜參知政事歷尙書省右丞會宣宗始遷  
汴梁河北民遷避河南者甚眾侍御史劉元規上言倚  
戶宜與土民均應差役宰臣以爲便益謙曰河北人本  
避兵而來兵稍息卽歸矣今旅寓倉皇無以爲生若與  
地著並應供役必騷動不安豈主上矜恤流亡之意乎  
帝甚嘉賞進拜尙書左丞尋致仕居鄭州興定五年尙

書省奏衛王事迹宜纂集實錄以示後世制可初胡沙  
虎弒衛王立宣宗一時朝臣皆謂衛王失道天命絕之  
虎實無罪且有推戴之功獨張行信抗章言之不報舉  
朝遂以爲諱及是史官謂益謙嘗事衛王宜知其事乃  
遣人就鄭訪之益謙曰衛王爲人勤儉慎惜名器較其  
行事中材不及者多矣吾知此而已設欲飾言以實其  
罪吾亦何惜餘年朝議偉之三子賢卿頤卿翔卿皆以  
門資入仕

金史

直隸趙州志卷九

人物志

仕蹟

附武職

封贈

耆壽

士君子學古入官高自期待而以尸素終焉恥矣夫  
崇卑位也親疏地也冗要秩也克自振奮者百職庶  
司無在不可建樹雖遭際各異約舉平生短長兩不  
相掩而敷歷中外勲績爛焉愔史所由儷名也趙州  
隸仕籍者李氏稱首自拓跋氏撫定中原之日下逮  
唐末簪纓弗替雲初踵美比宋多賢蹶興乃屬他氏  
自元以降登正史者鮮矣沿襲舊志鱗次纂入益以

近代通爲一編尋繹前明及我

朝諸公名節政術麟麟炳炳豈復遜美昔賢耶姑列此  
卷以待輜軒之採

北魏

呂季才

李順

李璨

李憲

李煜

李孝怡

李瑾

李普濟

李希宗

北齊

李密

李渾

李緯

隋

李諤

李孝貞

唐

李若初

李固言

李珏

宋

王超

李京

孫冲

元

楊珪

屈敏中

明

王詔

王珩

李敗

王簡

張居敬

張居仁

張體嵩

李邦柱

王允德 王猷

國朝

楊宗昌 翟廉 翟庸 張暎

劉光縉 孟昭 劉衍齡 劉穀萬

史載筆子銘 鏞附 李連夢 王政令 王啟宇

北魏

呂季才趙郡平棘人與高允李靈李詵同徵任陳留太守

封高邑子高允作徵士頌美之曰季才之性柔而執競

屆彼南秦申威致命誘之以權矯之以正帝道用光邊

土納慶北史

李順靈從父弟博涉經史有計策知名於世仕魏為中書

侍郎從征蠕蠕以籌畧功賜爵平棘子後征統萬督勒

士眾破其左軍及克統萬世祖賜諸將珍寶雜物順固

辭惟取書數千卷世祖善之至京論功拜給事黃門侍

郎又從赫連定於平涼三秦平進爵為侯遷四部尚書



延和初復使涼州蒙遜託疾不見順曰王之年老朝廷所知以王祗執臣禮別有詔旨豈得自安不見上使蒙遜翌日延順入室至庭中而蒙遜箕坐隱几不拜詔順怒曰齊桓九合諸侯一匡天下周王賜胙命曰伯舅無下拜而桓公奉遵臣節降而拜受今君雖功高勳厚未若小白之勤朝廷雖相崇重未有不拜之詔蒙遜聽命遂拜伏盡禮順既使還世祖問與蒙遜往復之辭及蒙遜政教得失順則曰禮者身之輿敬者行之本未有無禮不敬而能久享福祿以臣觀之不復周矣既而蒙遜死世祖謂順曰卿言蒙遜死今則驗矣進號安西將軍

寵待甚厚政之巨細靡所不參崔浩惡之五年議征涼州順議以涼州乏水草不宜遠征與崔浩廷諍浩固執以爲宜征世祖從浩議及至姑藏甚豐水草世祖頗銜之涼土旣平爲浩所毀陷

北史

李璨字世顯趙郡平棘人魏定州刺史鉅鹿公靈之從弟也父均官趙郡太守璨身八尺五寸容貌魁偉受業於梁祚官中書郎雅爲高允所知初宋徐州刺史薛安都舉彭城降詔鎮南將軍博陵公尉元鎮東將軍孔伯恭等迎之復以璨參二府軍事安都率文武出迎元不以禮接安都還城遂復叛宋將張永沈攸之等先屯下磻

元令璨與中書郎高閭入彭城說安都卽與俱載赴軍元等入城收管籥其夜永攻南門不剋退還璨勸元乘勢攻永米船大破之於是遂定淮北加璨甯朔將軍與張讜對爲兗州刺史安撫初附以參定徐州功賜爵始豐侯卒諡曰懿子元茂襲爵以寬雅著稱官司徒司馬彭城鎮副將吏民安之卒贈顯武將軍徐州刺史諡曰順

魏書

李憲字仲軌式子清粹善風儀好學有器度大和初襲爵又降爲伯拜秘書中散雅爲高祖所賞稍遷散騎侍郎接對梁使蕭琛范雲等以母老乞歸養拜趙郡太守趙

修與共州里修歸葬父母也牧守以下畏之累跡惟憲不爲之屈時人高之轉授尙書左丞定州大中正出爲兗州刺史坐事除名正光二年二月肅宗臨雍講經召憲預聽以其子騫爲國子生四年拜光祿大夫復本爵濮陽伯除持節安西將軍行雍州刺史孝昌初元法僧據徐州叛詔憲爲使持節假鎮東將軍徐州都督與安豐王延明臨淮王彧等計之會梁遣其豫章王綜據彭城俄而綜降徐州旣平詔賜憲驊騮馬一匹除征東將軍淮南大都督二年因與梁戰敗敕付廷尉三年秋憲女婿安樂王鑒據相州反靈太后謂鑒心懷劫脅遂賜

憲死永熙中贈使持節侍中都督定冀相殷四州諸軍事驃騎大將軍儀同三司尚書令定州刺史諡曰文靜

魏書

李焜字秀顯趙郡太守善見子涉歷書史後除南荊州刺史桓叔興驅掠城民叛入梁梁資以兵糧令築谷陂城以圖洛州逼土山戍詔焜督諸軍討叔興大破之乘勝拔谷陂叔興退走軍還除洛州刺史卒贈左將軍齊州刺史

魏書

李孝怡字悅宗焜族弟中書學生從中山王英破梁臨川王蕭宏於梁城除冠軍將軍魏郡太守相州刺史中山

王熙據鄴起兵也孝怡陰結募城民與熙長史柳元章等率眾擒熙賞爵昌樂伯永安初爲防城都督以拒葛榮之勳賜爵趙郡公遷驃騎大將軍

魏書

李瑾字伯瓊靈會孫太和中奉朝請襲爵後除步兵校尉葛榮反於河北所在殘害詔瑾持節兼東北道弔慰大使至冀州值葛榮圍逼時瑾以三子自隨次子戰死瑾恐動人情忍哀輟哭城陷沒賊旣而走免天平初除大司農卿瑾純謹好學老而不倦卒贈驃騎大將軍司徒公定州刺史

魏書

李普濟步兵校尉映子趙郡太守善見曾孫也學涉有名

性和韻武定中位北海太守從弟愔位太子舍人襲爵

趙郡公 北史

李希宗字景元憲子出嗣憲兄性寬和儀貌雅麗涉獵書傳起家太尉參軍事遷通直散騎常侍與諸軍討賊於彭沛克之獻武王擢為中外府長史為齊王納其第二女希宗以人望兼美深見禮遇出行上黨太守尋卒於郡贈驃騎大將軍司空公殷州刺史諡曰文簡弟希禮字景節性敦厚容止樞機動遵禮度起家著作左郎歷太常少卿居儀曹與邢邵等議定禮律卒於信州刺史 魏書

北齊

李密字希邕煥子少有節操屬爾朱兆弑逆乃陰結豪右與渤海高昂為報復之計高祖東出密以兵從舉義遙授并州刺史封容城縣侯爾朱至廣阿高祖令密募殷州定州二州五千人鎮黃沙井陘二道及兆韓陵敗還晉陽隨軍平兆高祖授密襄州刺史在州十餘年甚得安邊之術威信聞於外境天保初以舊功授散騎常侍復本爵縣侯卒贈殿中尚書濟州刺史 北齊書

李渾字季初靈之曾孫也以父遵死王事除給事中後以四州多難求為青州征東司馬奉老母攜妻子赴青齊

未幾而爾朱榮入洛衣冠殲盡物論以爲知幾時河北  
流移人聚青土眾踰二十萬共劫河間邢杲爲主起自  
北海襲東陽青州刺史元世儁欲謀誅之府人遂猜貳  
渾乃與長史崔光韶具陳禍福由是歃血而盟上下還  
睦普泰中崔社客反於海岱攻圍青州詔渾爲都官尙  
書東北道行臺赴援社客諸城各自固保渾以社客賊  
之根本烏合易離若銜枚夜襲便可擒殄如社客就擒  
諸郡可傳檄而定諸將尙遲疑渾乃決行果擒社客斬  
首送洛陽海隅清定武定初兼散騎常侍聘梁使主梁  
武曰伯陽之後久而彌盛趙李人物今實居多使還爲

東郡太守齊天保初除太子少保時太常邢邵爲少師  
吏部尙書楊愔爲少傅論者榮之以參禪代儀注賜爵  
縣男嘗謂魏收曰雕蟲小技我不如卿國典朝章卿不  
如我尋除海州刺史後土人共圍州城城中多石無井  
渾齋戒朝服而祈焉一朝天雨泉流湧溢賊以爲神應  
時駭散渾捕斬渠帥傳首鄴都後以事免卒於鄴子湛  
字處元涉獵文史有家風襲爵涇陽男

北史

李緯字乾經繪弟少聰慧有才學與舅子河間邢昕少相  
倫輩晚不逮之李神儁舉緯尙書南主客郎緯前後接  
對凡十八人頗爲稱職齊文襄攝選以緯爲徒諮議參

軍謂曰自郎署至此所謂不次以卿人才故有此舉耳  
緯常逸遊放達自號隱居蕭然有絕塵之意後除天下  
家令卒齊初贈北徐州刺史諡曰文

北史

隋

李諤字士恢趙郡人也好學解屬文仕齊爲中書舍人有  
口辯每接對陳使諤見高祖有奇表深自納結於時兵  
革屢動國用虛耗諤上重穀論以諷焉高祖深納之及  
受禪歷比部考功二曹侍郎賜爵南和伯諤性公方明  
達世務爲時論所推遷治書侍御史上謂羣臣曰朕昔  
爲大司馬每求外職李諤陳十二策苦勸不許朕遂決

意在內今此事業諤之力也賜物二千段諤以屬文之  
家體尙輕薄上書曰五教六行爲訓民之本詩書禮樂  
爲道義之門正俗調風莫大於此其上書獻賦制誅鑄  
銘皆以褒德序賢明勳證理降及近代風教漸落競騁  
文華江左齊梁其弊彌甚貴賤賢愚惟務吟詠競一韻  
之奇爭一字之巧連篇累牘不出月露之形積案盈箱  
惟是風雲之狀世俗以此相高朝廷據茲擢士祿利之  
路旣開愛尙之情愈篤於是羲皇舜禹之典伊傳周孔  
之說不復關心故文章日繁其政日亂良由棄大聖之  
規模構無用以爲用也及大隋受命屏出輕浮遏止華

趙州志 卷九 九  
偽自是公卿大臣咸知正路莫不鑽仰墳素棄絕華綺  
如聞外州遠縣仍踵弊風選吏舉人未遵典則至有宗  
黨稱孝鄉里歸仁學必典謨交不苟合則擯落私門不  
加收齒其學不稽古逐俗隨時作輕薄之篇章結朋黨  
而求譽則選充吏職舉送天朝蓋由縣令刺吏未行風  
教猶挾私情臣既忝憲司職當糾察若聞風卽劾恐挂  
網者多請敕諸司普加收訪有如此者具狀送臺上以  
諤所奏頒示天下四海靡然向風深革其弊諤在職十  
年務存大體不尙嚴猛由是無剛謇名而潛有匡正多  
矣以年老出拜通州刺史甚有惠政民夷悅服三年卒

於官有子四人大體大鈞並官至尙書郎世子大方襲  
爵最有才品大業初判內史舍人帝方欲任之遽卒

隋書

李孝貞字元操希禮子好學善屬文仕齊釋褐司徒府參  
軍事與弟孝基同見吏部郎中陸昂昂戲之曰弟名孝  
基兄其替矣孝貞對曰札雖不肖請附子臧昂握手曰  
士固不妄有名吾賢必當遠至簡靜不妄接賓客射策  
甲科拜給事中孝貞從姊則昭信皇后與帝室姻媾重  
疊兄弟並以文學自達恥爲外戚家於時黃門侍郎高  
乾和親要用事求婚於孝貞孝貞拒之由是有隙陰譖  
之出爲博陵太守不得志除給事黃門侍郎待詔文林

館美於辭令掌宣傳詔敕開皇初拜馮翊太守後數歲遷蒙州刺史吏人安之自此不復留意文筆人問其故慨然歎曰五十之年倏焉已過宦意文情一時盡矣然每暇日輒引賓客絃歌對酒終日爲歡後出爲金州刺史卒於官所著文集三十卷行於世

北齊書

唐

李若初趙州人事劉晏爲冗職包佶稱之後代王禕爲浙西觀察諸道鹽鐵使時天下錢少貨輕州縣禁錢不出境商賈不通若初始奏縱錢以起萬貨詔可而持剛檢下吏民畏服卒贈禮部尙書

唐書

李固言字仲樞其先趙人擢進士甲科累官戶部郎中溫造爲御史中丞表知雜事進給事中再遷尙書左丞李德裕輔政出爲華州刺史俄而李宗閔復用召爲吏部侍郎州大豪何延慶橫猾譁眾遮道使不得去固言杖殺之尸諸道旣領選按籍自擬先收寒素梏吏艱進御史大夫李訓鄭注用事訓欲自取宰相乃先以固言爲門下侍郎同中書門下平章事旋坐黨人出爲山南西邊節度使訓自代其處訓敗文宗頗思之復召爲平章事仍判戶部羣臣請上徽號帝曰今治道猶鬱羣臣之謂何比聞河北州縣多不治信乎固言因白鄧州刺史



王堪隋州刺史鄭襄尤無賴狀帝曰貞元時御史獨王  
堪爾鄭覃本舉堪疑固言抵已卽曰臣知堪故用爲刺  
史舉天下不職何獨二人帝識其意不主前語因稱詩  
曰濟濟多士文王以甯聞德宗時多闕官甯乏才耶固  
言曰用人之道隨所保任觀稱與否而升黜之無乏才  
矣帝曰宰相用人每計親疏竇易直爲宰相未嘗用姻  
戚使己才不足任天下重自宜引去苟舉公雖親何嫌  
用所長耳帝不欲大臣有黨故兩與之俄以門下侍郎  
平章事爲西州節度使始置羸軍千匹又募銳上三千  
武備雄完武宗立召授右僕射會崔珙陳夷行以僕射

爲宰相改領河中節度使蒲津歲河壞梁吏撤竿用舟  
邀丐行人固言悉除之帝伐回鶻詔方鎮獻財助軍上  
疏固諫不從遷東都留守宣宗初還右僕射分司東都  
卒贈太尉固言接賓客頗褻緩然每議論人主前乃更

詳辨

唐書

李珣字待價趙郡人幼孤事母以孝聞甫冠舉明經更舉  
進士高第以拔萃補渭南尉擢右拾遺穆宗荒於酒色  
纔終易月之制卽與勳臣飲晏珣與同列上疏論之上  
雖不用其言然厚加勞遣長慶元年鹽鐵使王播增茶  
稅之十五珣上疏論之時禁中造百尺樓國計不充王

播希恩增稅奉帝嗜欲疏奏不省李宗閔牛僧孺在相與珏親厚遂入翰林充學士楊嗣復輔政薦珏以本官平章事珏與固言嗣復相善自固言得位相繼援引居大政文宗謂宰臣曰朕在位十四年屬天下無事雖未至理亦少有如今日之無事者也珏對曰邦國安危亦如人之身當事體和平之時長宜調適以順寒暄之節如恃安而忽則疾患旋生朝廷當無事之時思省闕失而補之則禍難不作矣文宗以杜悰領度支稱職欲加戶部尚書以問宰相陳夷行答曰一切恩權合歸君上陛下自看可否珏對曰太宗用宰臣天下事皆先平章

謂之平章事代天理物上下無疑所以致太平者也若拜一官命一職事事皆決於君上卽焉用彼相昔隋文帝一切自勞心力以疑待下故二世而亡陛下常語臣云寶易直勸我凡宰相啟擬但五人留三人兩人勾一人渠卽勸我擇宰相不勸我疑宰相帝曰易直此言甚鄙又曰韋處厚作相三日薦六度師亦大可怪珏曰處厚淫於奉佛不悟其是非也其年五月上謂宰臣曰貞元政事初年至好珏曰德宗中年好貨方鎮進奉卽加恩澤租賦出自百姓更令貪吏剝削聚貨以希恩理道故不可也上曰人君聚斂猶自不可但輕賦節用可也

珽曰貞觀中房杜王魏啟告文皇意祇在此請不易初心自古好事克終實難上曰朕心終不改也尋封贊皇男武宗卽位之年九月與楊嗣復俱罷相出爲桂州刺史宣宗立內徙柳舒二州遷河陽節度使罷橫賦宿逋百餘萬後爲淮南節度使發倉廩賑流民卒贈司空諡曰貞穆

唐書

宋

王超趙州人弱冠長七尺餘太宗爲開封尹召置麾下及卽位以隸御龍直累遷至河西軍節度使殿前都虞候眞宗嗣位以翊戴功加檢校太傅領天平軍節度咸平

二年秋大閱禁兵二十萬於東郊超執五方旗以節進退上御戎幄觀面褒之從幸大名與都虞侯張進並爲先鋒都大檢點傅潛逗撓得罪以超爲侍衛馬步軍都虞侯鎮州行營都部署又率鎮定高陽關與契丹戰於遂城西俘馘二萬計斬其裨王騎將十五人手詔褒美李繼遷陷清遠軍以超將西面之師禦之徙東興軍幸相言超材堪將帥遂以超帥定州路行營王繼忠副之咸平六年遼帥大入繼忠陷沒上遣劉承珪李允則察退衄狀超言鎮州副部署李福拱聖軍都指揮使王昇當戰先走福削籍流封州昇決杖配瓊州景德初契丹

合眾併攻定州超拒之於唐河上巡澶淵召赴行在復  
 緩師罷為崇信軍節度使卒贈侍中再贈尚書令追封  
 魯國公諡武康超為將善部分御下有恩人稱其恕朱史  
 李京字伯升趙州人進士中第歷平定判官改大理寺丞  
 知魏縣奉法嚴正吏不便欲以奇中京遂相率遁去監  
 司果議以苛刻斥京知府任布曰如此適墮吏計京賴  
 以免遷監察御史時太史言日當食不食羣臣皆賀京  
 上疏曰陛下因天之戒恐懼修省避正殿減常膳故精  
 意感格日當食而陰雲蔽虧雖景公之熒惑退舍太戊  
 之桑穀並枯無以異也然臣區區竊有所疑者自寶元

初定襄地震豈非西北二邊有窺中國之意乎二月雷  
 發聲八月收聲今孟夏未發聲豈非號令不信乎願陛  
 下飭邊臣備夷狄戒輔臣慎出命以厭禍於未形仁宗  
 嘉納授右正言加史館修撰數上書論事未幾卒官詔  
 錄子諶為郊社齋郎 宋史

孫冲字升伯趙州平棘人舉明經歷鉛山麗水令登進士  
 歷晉絳二州通判河決棣州寇準請徙州詔冲往視言  
 徙州動民不若塞河為便遂以知棣州自秋至春四決  
 皆塞之累遷湖北河東運使知河中府徙潞州至給事  
 中卒所至以強幹稱 宏簡錄

元

楊珪字均玉任翰林院某官至元二年任臨城知縣刑清政簡邑民稱譽

屈敏中字道鳴號浚濱幼凝重不與羣兒嬉孜孜力學爲一方文士之冠至治辛酉登進士第泰定甲子任曹州教授後遷平原縣尹敏中雖處宦途恆有高尙之志涖平原踰期卽投劾歸曰吾教授鄉里樂於食祿也學者喜其善誘輻輳而至年六十八卒

節錄墓誌

明

王詔字文振舉景泰癸酉鄉試登天順甲申進士擢工科

給事中論事持大體嘗副藩府冊封使不受餽遺遷都給事中與六科偕奏事辭極愷直請起致仕尙書王竑而黜都御史王越有譖之者憲宗面加譴眾錯愕莫對詔仰呼曰臣等言雖不當非有他也時壯之擢湖廣參政會屢歉民流徙頗眾極力區畫多所全活湖人思弗置遷貴州左布政使尋擢雲南巡撫以招集孟密功特旨褒論奉詔錄囚躬冒巖險觸炎瘴平反甚眾陞南京兵部右侍郎卒於道詔衷懷坦亮自處不苟馭下吏嚴而有體雖厯顯要清儉自如平生卒之日囊無長物李東陽稱爲直諫君子

王珩字美器中成化辛卯鄉試登乙未進士歷工科都給事中直言不避稍遷至太僕寺卿轉南京戶部右侍郎方正剛毅請託不行爲衆人所推重

舊志

李收字仁甫成化辛卯鄉試登乙未進士任大理評事歷陝西兵備副使審決平允訓練嚴明時論許之

舊志

王簡字子敬號鳳岡中嘉靖丙午鄉試授陝西白水令有執法不阿白水青天之頌復補壽張令旋擢青州府同知督漕二年完工七所課最加食從四品俸督泰山香稅二季除常額外餘銀七千八百兩有餘盡登報之署泰安知州時征民馬價急檢庫藏銀三千四百兩代補

之撫院作旌賢榜文揭示郡邑陞南京戶部員外郎掌管銀庫一遵納銀例痛革其弊納者稱便世稱爲純臣子洪度聰敏沈毅好學不倦中萬曆戊子鄉試至今科目蟬聯爲趙右族

舊志

張居敬時泰子字伯簡號可齋隆慶丁卯舉人歷仕至陝西莊浪道先守鞏昌積站銀二萬餘兩備兵荒稱廉吏張居仁時泰次子字叔廣號育華生而穎異七歲能詩文十八舉茂才中萬曆己丑科進士歷仕至膠州刺史忌者中之謫楚藩幕隨大司馬李化龍征播囚楊應龍火攻海龍圍遂滅之磨盾草露布署藁尾曰口吐血眼流

血想是英雄肝胆裂一片赤心堅似鐵以勞瘁卒敘功  
贈兵部職方司郎中子誥立坊勅有司歲給粟贍其妻  
子著述充棟世族稱於世

舊志

張體嵩字伯高號仰齋萬厯壬辰進士授河南汝甯府通  
判嫻吏事所至有惠政嘗攝羅山縣甫三月循聲四起  
去之日士民繪甘棠留愛圖爲贖稱其精明特達持廉  
秉法約己省民題詩盈帙遷錦衣衛經歷改山東東昌  
府通判致仕後奉旨建坊旌義行祀忠義

舊志

李邦柱字季梁善書諸生時解弟難名聞於世高邑趙忠  
毅公深器之領萬厯戊午鄉薦授河南唐縣知縣流寇

至嬰城固守鎮靜勿譁時出奇兵殲渠魁人呼爲李公  
城涖治嚴明不避權貴忤惡宦飽其老拳縛宦寘獄中  
急遞上聞奉旨鄉宦拳擊縣令其平日橫肆可知令撫  
按官嚴訊宦惕息以死唐人欣悅至今稱頌不忘

舊志

王允德字叔廸簡從孫任韓城縣典史寬大裕民寇盜蜂  
起捕治有方秩滿遷主簿韓人思慕不忘邑人解經傳  
開府畿輔踵門拜謁有廉明仁慈之褒致仕於家崇禎  
癸酉流寇犯趙分守北城墮淺水將涸寇屢近城下出  
家資募壯士日夜堵禦趙城獲全允德有力焉

舊志

王猷字宣仲號雲臺天啟辛酉壬戌連科進士除山東長

山知縣邑故刁疲多萑苻猷首除積蠹賞善罰奸以靖盜源其所設施條甚具至恤災疾振孤寡興學校皆力行之期月改觀調繁曹縣復大治秩滿考最璽書褒異擢兵科給事中在垣建白切中時弊剛腸疾惡彈劾不宥皆如其人既而轉禮科因兩雹之變特請停刑巡視十庫奏請釐剔諸弊又請覈硝磺皆允行以父憂歸服闋補刑科左給事中大審朝審平反悉當尋轉工部都給事中上水衡匱絀一疏尤爲濟時要策京城被兵奉命巡城手執小燈籠終夜巡視不倦越歲緣同官牽累降應天府知事俄以念母切乞差旋里未至而趙城陷

母罹於難猷痛甚徒跣請卹得建坊其後哀毀過度遂卒先是崇禎丙子典浙江鄉試入彀皆知名士丁卯在

山東亦預分校之役士流服其公允一時鮮遺珠云節錄

李標所作本傳

國朝

楊宗昌字大宗號永菴內行修飭事母盡孝又讓產於兄順治戊子舉人已丑進士選授福建武平知縣入闈襄校所取皆知名士鄰境士流翕然宗之備禦流寇多善策四境肅然考績稱最行超擢矣以居母憂去官服闋任江西信豐知縣行取改補江南來安知縣所至皆有



惠政厯官幾二十年囊橐如洗時稱清白吏洵不愧云  
舊志

翟廉字靜生號棘麓少日遇賊刃傷眉睫一賊緩頰得不  
死登順治己亥進士任河南汝甯府推官改授廣西柳  
城知縣時流寇充斥屢逼城垣人無固志廉飭厲守禦  
城卒獲全無何三藩變起巡撫傅公宏烈察其才命入  
戎幙參機密贊畫力多論功擢布政司參議述職入都  
過里門二親衰耄不忍絕裾去遂家居致養厥後弟庸  
任四川峽眉知縣堅請偕往歲餘歸卒於途方在柳城  
受圍子遐齡間關往省絕而入廉切責之迫令歸未嘗

戀戀也孫劍曾孫昆皆舉人昆之孫升進士別有傳

翟庸字平子號默菴從伯兄廉受經弱冠舉於鄉累上春  
官不第選授河川峽眉知縣邀廉同往政必請命乃行  
廉時輔導之未周募治聲隆隆起巡撫姚締虞密疏薦  
之遷行人司行人去官日民繪臥轍圖爲驢以詩贈別  
者楊世珍四十有九人歸裝所攜惟詩圖及峽眉山志  
而已去後民爲立碑未幾致仕林居二十年著有默菴  
詩集十卷儀禮圖二卷築默菴以終老

張暉字筠史順治辛卯壬辰聯捷進士初授江南興化知  
縣再任江西清江知縣聰察強幹治獄有能聲擢廣西

思恩府同知台司稔其才倚畀若左右手訟牘之疑似者一讞卽得情依律平反無所瞻顧參將謝宗孔誣良爲盜破械歸者十九人鬱林劫餉象州戕官諸獄原釋無辜多名而嚴朝龍勢占民女雖忤權貴必正其罪自著思允錄備書之坐是見嫉同官會大計羣吏知府崔雲翀枉陷之遂禡職後以勘驗無實卒獲申雪顛末具所撰琢玉記

劉光縉雍正癸卯科舉人理學淵深雄才浩瀚歷任鐵嶺縣開源縣知縣升補甯遠州督糧堂政刑簡清一塵不染士庶莫不頌德解綬歸田宦囊空乏以教授爲業著

### 有冠軍錄行世

孟昭字含彩雍正癸卯科舉人性姿磊落膽量過人遊柏鄉相國魏文毅之門文毅器重之以學問事功相勉勵後授四川昭化縣知縣時大兵進剿桑昂邦昭奉檄給餉閱兵咸能稱職事訖議敘同知暇仍怡情書史凡所遊歷如打箭爐折多山諸名勝悉見諸吟詠使讀者心悸膽慄如歷其境碩學通材至今稱之

劉衍齡歲貢生累代望重動遵禮法雅爲識者器重雍正癸丑年任宣化府延慶州訓導儒素之風依然未改訓生徒則勗以端方正直務絕奔競郡有官米五十石推

讓同官升合不取州牧李公欽爲長者曰此真吾郡之師表也歿後門人爲立碑載其行誼

劉穀萬字育堂號粒園思問子乾隆戊申舉人嘉慶壬戌進士由庶吉士改河南臨潁令十餘年不調中丞姚亮甫瑩廉其賢移知洛陽爲政無赫赫名清淨簡易與民休息兩河灘地每圯入水而糧不得免有司知民患苦顧重於請豁又司計吏需索繁費剔垢去疵率格不能行穀萬毅然申其狀於大府大府故重穀萬輒得請民至今賴之嘗以衙蠹害政白中丞曰朝廷之政自州縣始州縣之治自吏胥始清其源革其弊請自某始中丞

稱善邑明經曹伯繩

肅孫

爲作傳稱其恭儉寬仁實心

實政不事虛文斯言盡之矣擢開封府同知督糧艘北上以倉胥抑索免官主講南陽書院晚歲流寓禹州著有粒園詩草二百篇論者謂瀟灑出塵不減南宋名家別有試帖捲瀾集學者宗之穀萬之先人宰秦中亦以廉仁得民會巡撫都御史檄飭買穀萬石亟請不獲免邑人士恐觸都御史怒重累宰乃爭負擔輸穀贏其數而穀萬適生因以命名而號曰粒園紀實也

賈臻郡齋筆乘

史載筆更名翊字贊廷號竹辰嘉慶丁卯舉人大挑知縣初權伏羌授合水瘠區也萬山叢錯悍徒倚爲窟穴四

出剽掠載筆至頗稱歛迹調安定地丁午道過客釋騷  
三年供億無違缺擢靜甯知州因病乞假大吏迫之起  
復攝狄道州旋以憂歸服闋再涖靜甯未朞去任出使  
丹噶爾在途感疾卒著有行原養正錄琴堂筆錄子銘  
鏞沉厚簡默無紕絳習母訓綦嚴不少假以辭色後以  
拔貢授山東新泰知縣至則修書院飭學校訓誨慤懃  
士林德之尋以母憂去官服闋攝曹縣知縣質實平易  
與民休息暇則怡情書史或臨池寄興未期年去任嘗  
以勤慎委修曲阜 聖廟加四品銜陞直隸州又調  
委登州府清釐積案以疾卒

李連夢字西堂嘉慶甲戌進士初任山西虞鄉知縣有治  
聲舉卓異量移介休屬夏旱齋宿步禱三十里甘澍立  
沛回疆用兵命市橐駝供轉運咄嗟立辦絡繹過師車  
馬餐宿之具罔弗備適館無譁者歲洊饑慮上請屯膏  
自傾俸囊煮粥哺之餓夫免溝壑兩轉甘肅餉金尅期  
以赴分校秋闈稱得士年五十五卒於官平生科第仕  
宦及死期率先徵於夢自誕降已然故以名云

王政令字均齋號嘯漁諸生翹楚也由廩貢授職府經歷  
需次廣西俄以憂歸其再至也大吏倚重攝雒容知縣  
地瘠而衝獍狃雜處夙號難治政令平獄訟絕苞苴傾

橐佐供億民困以蘇道光庚戌冬髮賊蜂起逆黨陳洛全嘯聚村墟肆焚掠政令率眾追捕一戰賊潰咸豐壬子秋唐元秀李大醜徒三千人踞馬平象州兩界間政令奉檄往討連戰皆捷賊盡殪當事詫爲奇功將優擢之有尼之者僅授邑令而已兵火餘生哀鴻滿地薄賦輕刑與民休息是時代者將至父老大恐守臺門喁喁借寇大吏俞其請故治雒容五年時最久恩亦最洽云容縣亦賊窟也渠魁四五各糾千百人伏密箐邃谷中乘隙紛擾而自良墟尤悍黠政令名能辦賊俾攝之至則簡丁壯繕戈矛肆擊刺旣爛而後進首攻自良墟冒

刃突入裹創搏戰淫霖溽暑弗避也積半載羣醜次第削平踰年母壽日村氓製屏稱祝北流商賈亦然蓋銜恩深矣丙辰冬流寇復熾勢張甚鄰城胥陷容力不支乃乞援高廉道某率師至政令爲前驅七戰七捷功在垂成某潛師宵遁慮政令以情告也譖諸督帥褫厥職勞撫軍察其枉還授故官其後權脩仁權昭平旋以疾卒歸觀之日橐空不能治行廉名始著

王啟字字輔周庠生處家孝友居心慈惠同治初年以軍營効力任山東蒙陰泗水等縣知縣在任有某貢士爲寇所陷中丞欲擬重辟啟字知其寃以全家保之乃得

釋生平篤信陰騭故昭雪冤抑賑卹貧乏所至皆有惠政雖歷任煩劇而長厚之心獨存不愧士林典型云

武職

明

李爲柱大石橋人武進士任玉泉營遊擊協鎮通州正定

右營參將

陳聚柱子襲金吾右衛指揮僉事

宋文智以征大甯功陞隆慶衛指揮僉事

國朝

朱福彪朱家莊人乾隆間武舉實任江淮衛千總

朱琰朱家莊人乾隆間武進士實任浙江衢州鎮標中營守備

魏廷魁字傑出西關人性剛直不阿生有異力能挽強弩  
矢無虛發乾隆庚戌科會試第一殿試傳臚充

御前侍衛歷署江西贛州府永信營都司旋署贛州府中  
營遊擊補江西永鎮營都司在職惟以操演技藝整飭  
營規爲急務後以疾免歸里行李蕭然劍佩之外無長  
物嘉慶癸亥年疾愈復發兩江旋署江西萬安營都司  
甯都營參將永鎮營遊擊時僅六年以木強不諧俗挂  
冠歸卒於家

魏廷寅廷魁弟以侍衛歷任廣東惠州府永安營都司福  
建福州府右營遊擊泉州府同安營參將

蘇肇魁字超甫北白尚人武庠生同治間以軍營勞績保  
舉任署宣化府鎮安營守備未幾病歿於涿

李蘊隆字經邦秀才營人光緒初以藍翎侍衛特授廣東  
廣州府協標永靖營都司調署肇慶協標中軍都司又  
調署吳川營都司後卒於官

米文光字欽甫大東平人光緒初以藍翎侍衛任山西蒲  
州協標都司兼署蒲州協鎮後舉卓異候陞現任蒲州  
協標都司管帶太原鎮馬隊第一旗

魏廷玉西關人實任獲鹿縣把總

魏永亮西關人以軍功保都司銜藍翎守備用咨補棗強

汎經制外委

安而慮安家莊人康熙四年原任浚溝營中軍兼署參將

據碑記補入

封贈

明

王壽成化間以孫珩貴敕贈忠順大夫劉家莊人

王惟致以子珩貴敕贈忠順大夫

劉能以子濟貴宏治間敕贈奉政大夫 溝岸人

國朝

張文采庠生順治間以子暎貴敕贈文林郎又晉封承德

郎 溝岸人

王曷增生康熙間以子鹿瑞貴誥封朝議大夫 城內人

王埴貢生乾隆間以子希曾貴封贈修職郎 劉家莊人



王玉堂廩生同治間以子啟字貴誥封朝議大夫 城內人

王啟甲庠生同治間以子官文貴誥封奉政大夫 城內人

王啟濬庠生光緒間以子官雲貴誥封儒林郎 城內人

史濬以孫銘鏞貴貤贈朝議大夫 南解家唾人

史翊舉人以子銘鏞貴封贈朝議大夫

魏閻拔貢生以孫樾貴貤贈奉政大夫 西關人

魏嘉淦附貢生以子樾貴誥封奉政大夫

魏之藩增生嘉慶間以孫廷魁貴貤封昭武都尉

魏潤以子廷魁貴誥封昭武都尉 西關人

米泰來監生以子文光貴誥封昭武都尉 東平人

牛德順以子斌魁貴 誥贈昭武都尉 城內石塔鋪人

按德順字修身本侯姓深州孤城侯學思之四子出

繼於中表束鹿縣大理寺牛煙爲嗣乾隆年間煙之

父思義遊於趙隱身書肆遂家於城內之石塔鋪德

順性至孝復豪爽績學能文無書不讀而淡於名利

未嘗一圖進取蓋尙志人也惟日以堂上四老心懸

兩地欲均依膝下恨無術分身故省視之誠頻往來

於兩地人皆以爲過勞而已恒覺自逸亦天性使然

也其妻劉氏溫惠性成自于歸後見夫性至孝又好

善樂施恒紡織以佐夫子卒不使有內顧之憂其在

鄰里鄉黨見有貧不能葬無力婚嫁者悉竭力助之無吝色以故趙州人士咸推爲一鄉祭酒焉本生父母將見背德順夫婦生侍湯藥歿視含殮盡誠盡禮無忝所生而煙夫妻相繼得痿痺症復營治醫藥旁皇達旦衣不解帶者幾三年吁誰非人子若德順者亦賢矣迨其子斌魁登光緒乙亥鄉榜現充差兵部以覃 恩贈昭武都尉人咸謂盛德之感孝思不匱所致云爾

耆壽

國朝

米裕如任莊人乾隆六年乙卯科

恩賜舉人

郝希曾大安人純謹好學至老不倦事親孝待弟友里黨冠婚喪祭有不給者咸周濟之同胞五人始終同居怡怡如也乾隆乙卯科

恩賜舉人丙辰科翰林院檢

討雖朝廷引年之典實希曾之學行有過乎人者也進士翟升銘其墓曰躬逢盛世尙齒引年耆歲受爵福降自天鹿車共挽偕老怡顏上承弓冶下啟後賢玉樹崢嶸芝蘭並茂祥徵階前孫慈子孝山高水長休範聿昭

孟盼城內人乾隆丙子科

恩賜舉人

張价人嘉慶三年戊午科

恩賜舉人已未進士由恩貢

楊冠羣道光間

恩賜副榜

賈廷梁城內人年臻百歲身體強健未嘗扶杖生平仗義

輸財人咸欽仰

王咸郡庠生西章侶人壽享九十三歲光緒三年合鄉送

九旬五世匾額

邢鑑邢村人年八十一歲 學使張面試以文理清順補

博士弟子員

鄭安邦鄭家郭人善醫全活甚眾現年七十四歲光緒二

十年舉耆壽二十二年奉

旨賞給九品銜



7000562

趙州志

卷九

三

